

吉禮

五禮儀一



國朝五禮儀目錄

卷之一

吉禮

春秋及臘祭社稷儀

春秋及臘祭社稷攝事儀

祈告社稷儀

報祀

州縣春秋祭社稷儀

四時及臘享宗廟儀

七祀附

四時及臘享宗廟攝事儀

俗節及朔望享宗廟儀

由縣知事同

新告宗廟儀

報祀及先告事由後還安永寧發先告事由後還安同

薦新宗廟儀

祭中霽儀

春秋享永寧殿儀

四時及俗節享文昭殿儀

四時及俗節享文昭殿攝事儀

文昭殿忌晨儀

朔望享文昭殿儀

先告事由後還安同

親享懿廟儀

四時及俗節享懿廟攝事儀

朔望字懿廟儀忌晨及先告事

拜陵儀

四時及俗節朔望享諸陵儀先告事由

俗節享真殿儀先告事由及

祀風雲雷雨儀山川

風雲雷雨壇祈雨儀報祀

祭嶽海瀆儀

祭三角山儀白岳

祭漢江儀

祭州縣名山大川儀

祭木覓儀

時旱北郊望祈嶽海瀆及諸山川儀

報祀同

時旱就祈嶽海瀆及諸山川儀

報祀同

卷之二

吉禮

享先農儀

享先農攝事儀

享先蠶儀

雩祀儀

雩祀壇祈雨儀

報祀同

文同
未吉

享文宣王視學儀

酌獻文宣王視學儀

王世子酌獻文宣王入學儀

王世子釋奠文宣王儀

有司釋奠文宣王儀

文宣王朔望奠儀

文宣王先告事由及移還安祭儀

州縣釋奠文宣王儀

州縣文宣王先告事由及移還安祭儀

享歷代始祖儀

祀靈星儀

老人星
馬祖附

享先牧儀

馬杜馬步
祭酺祭附禍

州縣酺祭儀

久雨崇祭國門儀

祫祀

久雨州縣崇祭城門儀

祫祀

享司寒儀

蠶祭儀

蠶祭先告事由及移還安祭儀

厲祭儀

州縣厲祭儀

大夫士庶人四仲月時享儀

卷之三

嘉禮

正至及聖節望闕行禮儀

皇太子千秋節望宮行禮儀

迎詔書儀

迎勅書儀

拜表儀

附拜表

正至王世子百官朝賀儀

誕賀附日

正至王世子嬪朝賀儀

誕賀附日

正至會儀

中宮正至命婦朝賀儀

誕日賀附

中宮正至會命婦儀

中宮正至王世子朝賀儀

誕日賀附

中宮正至王世子嬪朝賀儀

誕日賀附

中宮正至百官朝賀儀

誕日賀附

正至百官賀王世子儀

生辰賀附

朔望王世子百官朝賀儀

朝參儀

常參朝啓儀

王世子冠儀

文武官冠儀

納妃儀

冊妃儀

卷之四

嘉禮

冊王世子儀

冊王世子嫡儀

王世子嫡儀

王世子嫡儀

王女下嫁儀

宗親文武官一品以下昏禮儀

賓儀

教書額降儀

文科殿試儀

武科殿試儀

文選科放榜儀

生員進士放榜儀

會考宴儀

宴會禮儀

飲福宴儀

王世子與師傳賓客相見儀

書筵會講儀

王世子入學儀

王子及宗親同

使臣及外官正至誕日遥賀儀

使臣及外官朔望遥賀儀

使臣及外官拜筵儀

使臣及外官受宣勞儀

使臣及外官迎內香儀

使臣及外官迎教書儀

外官迎觀察使儀

使臣及外官受諭書儀

開城府及州縣養老宴儀

鄉飲酒儀

文武科榮親儀

卷之五

賓禮

宴朝廷使儀

王世子宴朝廷使儀

宗親宴朝廷使儀

議政有六
曹宴附

受隣國書幣儀

宴隣國使儀

禮曹宴隣國使儀

卷之六

軍禮

射于射壇儀

觀射于射壇儀

大閱儀

講武儀

救日食儀

季冬大饗儀

鄉射儀

卷之七

凶禮

為皇帝舉哀儀

成服儀

舉臨儀

除服儀

國恤顧命

初終

復

易服不食

戒令

沐浴

襲

奠

為位哭

舉臨

含

設冰

靈座

銘旌

告社廟

小飲

奠

治禭

大飲

奠

成殯

奠

庭次

成服

服制

嗣位

頒教書

告訃請謚請承襲

朝夕哭奠及上食儀

朔望奠

俗節別奠同

議政府率百官進香儀

宗勳儀賓詣進香觀察使進香同

治葬

請謚宗廟儀

上謚冊實儀

內喪請謚宗廟儀

上謚冊實儀

啓殯儀

祖奠儀

遣奠儀

設引班次

設引儀

下山陵黃附

路祭儀

還其儀

立主奠儀

返虞班次

返虞儀

安陵奠儀

山陵朝夕上食儀

魂殿奠祭儀

卒哭祭儀

魂殿朝夕上食儀

魂殿四時及臘親享儀

攝事儀

魂殿俗節及朔望親享儀

攝事儀

卷之八

鹵禮

四時及臘俗節朔望享山陵儀

親享山陵儀

迎賜謚祭及吊賻儀

賜賻儀

賜賻儀

焚黃儀

賜祭儀

練祭儀

祥祭儀

禫祭儀

祔廟儀

題位設儀

祔文昭殿儀

為外祖母舉哀儀

為王姬父舅舉哀儀

為王世子及夫人公主翁主舉哀儀

為內命婦及宗戚舉哀儀

為貴臣舉哀儀

臨王子及夫人公主翁主喪儀

遣使吊王子及夫人公主翁主喪儀

遣使祭贈王子儀

遣使致奠王子及夫人公主翁主喪儀

王妃為父母祖父母舉哀儀

成服

除服

王世子為外祖母舉哀儀

臨師傳貳師喪儀

遣使致奠外祖母嬪父母師傳貳師喪儀

王世子嬪為父母祖母父母舉哀儀

成服

除服

大夫士庶人喪儀

國朝五禮儀目錄

一 祭天壇
二 祭地壇
三 祭太廟
四 祭先農壇
五 祭先師壇
六 祭先賢壇
七 祭先聖壇
八 祭先儒壇
九 祭先王壇
十 祭先公壇
十一 祭先親壇
十二 祭先子壇
十三 祭先師壇
十四 祭先賢壇
十五 祭先聖壇
十六 祭先儒壇
十七 祭先王壇
十八 祭先公壇
十九 祭先親壇
二十 祭先子壇

國朝五禮序例目錄

卷之一

吉禮

辨祀

時日

祝版

雅部樂章

俗部樂章

齊戒

齊官

尊爵圖說

殿庭軒架圖說

鼓吹圖說

排班圖

卷之三

賓禮

執事官

尊爵圖說

樂器圖說

卷之四

軍禮

執事官

兵器圖說

形名圖說

射器圖說

卷之五

凶禮

齊戒

執事官

飲殯圖說

喪服圖說

明器圖說

服玩圖說

儀仗圖說

車輦圖說

神主圖說

禮饌酒尊圖說

大夫士庶人葬壙口長杠上去橫杠下棺

之形

壙內擲上去橫杠下棺之形

大夫士庶人栗主

國朝五禮序例目錄

文天祥入元

進國朝五禮儀箋

翰忠協策靖難同德佐翼保社炳幾寔
難翊戴純誠明亮經濟弘化佐理功臣
大臣輔國崇祿大夫議政府領議政兼
領經筵藝文館春秋館弘文館觀象
監事禮曹判書高靈府院君臣申叔舟
等誠惶誠恐稽首稽首

上言竊以

曆數歸于

一德方撫泰運之亨禮樂興於百年必待

明王之作豈惟厚倫而成俗蓋將

燕翼而貽謀竊惟禮本於方寸之微儀極
乎三千之縉周監二代而損益乃有儀
禮之經唐采衆說而參詳遂成開元之
制雖或隨時而沿革莫能去禮於斯頃
念惟我

朝

聖作

神承

武定文治

規模鉅極其宏遠

制度未遑於彌大逮于

世宗蒞憲大王

守位曰仁

為國以禮

稽歷代之舊典

究觀會通

參掌故之遺文

刪定儀註功未就緒事頗不行

世祖惠莊大王

炳發除姦

握符御極

參兩儼而

贊化育外時大猷

修五禮而

叙彝倫納民軌物庶

克卒

寧王之事用

敷遺後人之休恭惟

全上殿下

天縱生知
日新聖學

仰惟

先代時著不愆不忘

率乃

祖考攸行丕承丕顯

謂治民莫善於禮而

定制務合乎中顧纂集歷累

朝而未成而前後有衆議之不一迺

命臣等紬繹舊章合乎古宜乎今欲極情

文之備刊其繁會其要益致節目之詳
第以學術荒疎莫究制作源委旁搜典
故未免牆面之譏考訂異同悉稟

淵衷之斷等威嚴而有序文物粲然可觀庶
幾行之

朝廷

薦諸

廟社

治國易如指掌禮樂明而天地官

化民速於置郵神人和而上下協所撰五

禮儀註八卷序例五卷謹隨箋以

聞無任激切屏營之至

臣

叔舟等誠惶誠恐

稽首稽首謹言

成化十一年六月 日輸忠協策靖難

同德佐翼保社炳幾定難翊戴純誠明

亮經濟弘化佐理功臣大臣輔國崇祿

大夫議政府領議政兼領 經筵藝文

館春秋館弘文館觀象監事禮曹判書

高靈府院君

臣

申叔舟等上箋

卷之十一

國朝五禮儀卷之一

吉禮

春秋及臘祭社稷儀

時日

見前

○齊戒

見前

○陳設

前祭三日

典設司設大次於壇西門之外道北南向待
臣次於大次之後南向設王世子次於大次
西南東向設諸祭官次於齊坊之內陪祭官
次於其前隨地之宜前二日壇司帥其屬掃
除壇之内外典設司設饌幔於西門之外典
樂帥其屬設登歌之樂於壇北軒架於北門

內俱南向前一曰典祀官壇司各帥其屬設
國社國稷神座各於壇上南方北向設后土
氏神座於國社神座之左后稷氏神座於國
稷神座之左俱東向席皆以莞執禮設殿下
版位於北門內當壇南向飲福位於國稷壇
上神座之東北南向贊者設亞獻官終獻官
進幣爵酒官薦俎官奠幣爵酒官位於西門
內道北執事者位於其後每等異位俱重行
東向南上監察位二於北門內一於東北隅
西向一於西北隅東向執禮位二一於北墻

門內一於北壇門外俱近西東向贊者謁者
贊引位於壇門外執禮之後稍北東向南上
協律郎位於國社壇下近東西向典樂位於
軒懸之南南向設陪祭官位文官一品以下
於西門內祭官之後稍北每等異位俱重行
東向南上宗親及武官一品以下於東門內
稍北當文官每等異位俱重行西向南上設
門外位諸祭官於西門外道南文官一品以
下於祭官之西少南每等異位俱重行北向
東上宗親及武官一品以下於東門外道北

每等異位俱重行南向西上設望瘞位於瘞
坎之南亞獻官在南北向執禮贊者大祝在
西重行東向北上祭日未行事前典祀官壇
司各帥其屬入奠祝版各一於神位之右各
皆陳幣篚各一於尊所設香爐香合并燭於
神位之前次設祭器如式見序設福酒爵有
胙肉俎各一於國社國稷尊所又設國社俎
一於饌幔內設御洗於北墻門外西北南向
亞終獻洗又於西北俱南向盥洗在西爵洗
盥洗有槃匱若領議政為亞俱疊在洗西加
盥則奠終獻同洗無槃匱

勺篚在洗東北肆實以巾

若爵洗之篚則諸又實以爵有站

執事盥洗於亞終獻洗西北南向執尊罍篚

罍者位於尊罍篚罍之後○車駕出宮

見序例

○省牲器見序例

○奠幣

祭日丑前五刻

丑前五

五刻即三更三點典祀官壇司八賓饌具畢

退就次服其服升設國社后土氏國稷后稷

氏神位版於座贊引引監察詣國社壇升自

西陛

詣執事升降皆自西陛

按視壇之上下糾察不如

儀者詣國稷壇亦如之還出前三刻詣祭官

及陪祭官各服其服

祭官祭服陪祭官朝服

引儀分引

陪祭官俱就門外位執禮帥贊者謁者贊引

入自西門先就壇北懸南拜位重行南向東

上四拜訖各就位典樂帥工人二舞入就位

文舞入陳於懸南武舞立於懸北道東引儀分引陪祭官入就

位奉禮引亞獻官若領議政為亞獻官則謁者贊引

各引請祭官俱就西門外位左通禮就大次

前跪啓請中嚴贊引引監察典祀官大祝祝

史齊郎壇司協律郎捧俎官執尊罍篚罍者

入就懸南拜位重行南向東上立定執禮曰

四拜贊者傳唱凡執禮有辭贊者皆傳唱監察以下皆四

拜訖贊引引監察就位贊引引諸執事詣盥
洗位盥悅訖各就位前一刻奉禮引引亞獻官
謁者贊引各引終獻官進幣爵酒官薦俎官
奠幣爵酒官入就位贊引引齊郎詣爵洗位
洗爵拭爵訖置於篚捧詣尊所置於坫上左
通禮跪啓外辨殿下具冕服以出繼扇侍衛
如常儀禮儀使導殿下至西門外近侍跪進
圭禮儀使跪啓請執圭繼扇侍衛禮儀使導
殿下入自正門侍衛不應入詣版位南向立
每立定禮儀使執禮曰禮儀使啓請行事禮
退俯伏於左

儀使跪啓有司謹具請行事執禮曰瘞毛血

大祝各瘞毛血於坎協律郎跪俯伏舉麾興

凡取物者皆跪俯伏而取以興工鼓祝軒架

作順安之樂烈文之舞作樂七成執禮曰四

拜禮儀使啓請四拜殿下四拜在位者皆四

拜先拜者樂八成協律郎偃麾工變鼓樂止

凡樂皆協律郎跪俯伏舉麾興工近侍詣盥

洗位盥悅訖還侍位謁者引進幣爵酒官奠

幣爵酒官詣盥洗位盥悅訖詣國杜尊所南

向立執禮曰行奠幣禮禮儀使導殿下詣盥

洗位南向立啓請搢圭

如搢不便
近侍承奉

近侍跪取

匱興沃水又近侍跪取槃承水殿下盥手近

侍跪取巾於篚以進殿下悅手訖近侍受巾

奠於篚禮儀使啓請執圭導殿下詣國社壇

升自北陛

近侍

登歌作肅安之樂烈文之靈

作詣國社神位前南向立禮儀使啓請跪搢

圭殿下跪搢圭在位者皆跪

贊者亦唱

近侍一人

捧香合一人捧香爐跪進禮儀使啓請三上

香近侍奠爐于神位前近侍以幣篚授進幣

爵酒官進幣爵酒官捧幣跪進禮儀使啓請

執幣獻幣以幣授奠幣爵酒官奠于神位前

進香進幣在西東向奠壇奠幣在東西向進爵奠幣在北禮儀使啓請執

圭俯伏與平身殿下執圭俯伏與平身在位

者皆俯伏與平身奠者導殿下詣后土氏神

位前西向立啓請跪搢圭殿下跪搢圭在位

者皆跪奠者近侍一人捧香合一人捧香爐

跪進禮儀使啓請三上香近侍奠爐于神位

前近侍以幣篚授進幣爵酒官進幣爵酒官

進幣跪進禮儀使啓請執幣獻幣以幣授奠

爵酒官奠于神位前進香進幣在北南向奠爵奠幣在南北向

進爵奠爵准北禮儀使啓請執圭俯伏興平身殿下

執圭俯伏興平身在位者皆俯伏興平身若

亦登歌止禮儀使導殿下降自北陞詣國禩

壇上香奠幣並如上儀訖進幣爵酒官奠幣

爵酒官皆降復位禮儀使導殿下降自北陞

復位○進熟殿下既升奠幣焚引引典祀

官出帥進饌者詣厨以已升牛于鑊實于一

鼎次升羊實于一鼎次升豕實于一鼎每位牛羊

不各皆設扃累祝史對舉入設於饌幔內謁

者引薦俎官出詣饌所捧俎官隨之俟殿下

奠幣訖復位執禮曰進饌祝史抽扇委于鼎
右除累加已畢于鼎與祀官以已升牛實于
牲匣次升羊豕各一于牲匣每位牛羊豕各一次升
薦俎官捧國社之俎俎官各捧牲匣與祀
官引饌入國社國稷之饌入自正門配位之
饌入自左闕俎初入門軒架作雍安之樂國
社國稷之饌升自北陛配位之饌升自西陛
諸大祝迎引於壇上薦俎官詣國社神位前
南向跪奠先薦牛次薦羊次薦豕諸大祝助奠奠
訖啓牲匣蓋次詣后土氏神位前南向跪奠

先薦牛次薦羊次薦豕

諸大祝助奠

奠訖啓牲匣

蓋薦俎官降自西陛詣國稷壇升奠並如上

儀訖樂止謁者引薦俎官以下降自西陛復

位諸大祝還尊所謁者引進幣爵酒官奠幣

爵酒官詣國社尊所南向立執禮曰禮儀使

導殿下行初獻禮禮儀使導殿下詣國社尊

所東向立登歌作壽安之樂烈文之舞作執

尊者舉罍進幣爵酒官酌醴齊近侍以爵受

酒禮儀使導殿下升自北陛詣神位前南向

立啓請跪搢圭殿下跪搢圭在位者皆跪

贊者

亦近侍以爵授進幣爵酒官進幣爵酒官捧
爵跪進禮儀使啓請執爵獻爵以爵授奠幣
爵酒官奠于俎位前禮儀使啓請執主俯伏
興少退南向跪樂止大祝進神位之右西向
跪讀祝文訖樂作禮儀使啓請俯伏興平身
殿下俯伏興平身在位者皆俯伏興平身贊
訖樂止禮儀使導殿下降自北陛詣后二氏
尊所東向立樂作執尊者舉罍進幣爵酒官
酌醴齊近侍以爵受酒禮儀使導殿下升自
北陛詣神位前西向立啓請跪搢圭殿下跪

摺圭在位者皆跪

贊者亦唱

近侍以爵授進幣爵

酒官進幣爵酒官捧爵跪進禮儀使啓請執

爵獻爵以爵授奠幣爵酒官奠于紳位前禮

儀使啓請執圭俯伏興少退西向跪樂止大

祝進神位之右北向跪讀祝文訖樂作禮儀

使啓請俯伏興平身殿下俯伏興平身在位

者皆俯伏興平身

贊者亦唱

樂止禮儀使導殿下

降自北陛詣國稷壇升獻並如上儀訖進幣

爵酒官奠幣爵酒官皆降復位禮儀使導殿

下降自北陛復位文舞退武舞進軒架作舒

安之樂舞者立定樂止初殿下將復位執禮
曰行亞獻禮奉禮引亞獻官詣盥洗位南向
立贊摺圭亞獻官盥手悅手訖贊執圭引詣
國社尊所東向立軒架作壽安之樂昭武之
舞作執尊者舉冪酌盞齊執事者以爵受酒
奉禮引亞獻官升自西陛詣神位前南向立
贊跪摺圭執事者以爵授亞獻官亞獻官執
爵獻爵以爵授執事者奠于神位前奉禮贊
執圭俯伏興平身引亞獻官降自西陛詣后
土氏尊所東向立執尊者舉冪酌盞齊執事

者以爵受酒奉禮引亞獻官升自西陞詣神
位前西向立贊跪搢圭執事者以爵授亞獻
官亞獻官執爵獻爵以爵授執事者奠于神
位前奉禮贊執圭俯伏興平身引亞獻官降
自西陞詣國稷壇升獻並如上儀訖樂止引
降復位亞獻官獻將畢執禮曰行終獻禮謁
者引終獻官行禮並如亞獻儀訖引降復位
謁者引進幣爵酒官薦俎官升自西陞詣飲
福位東向立大祝各詣國社國稷尊所以爵
酌上尊福酒合置一爵又大祝持俎進減國

社國稷神位前胙肉合置一俎執禮曰禮儀
使導殿下詣飲福位禮儀使導殿下升自北
陛詣飲福位南向立大祝以爵授進幣爵酒
官進幣爵酒官捧爵東向跪進禮儀使啓請
跪搢圭殿下跪搢圭在位者皆跪黃省亦唱殿下
受爵飲訖進幣爵酒官受虛爵以授大祝大
祝受復於坵大祝以俎授薦俎官薦俎官捧
俎東向跪進禮儀使啓請受俎殿下受俎以
授近侍近侍捧俎降自北陛出門授司饗院
官進幣爵酒官薦俎官降復位禮儀使啓請

執圭俯伏興平身殿下執圭俯伏興平身在

位者皆俯伏興平身贊者亦唱導殿下降復位執

禮曰四拜禮儀使啓請四拜殿下四拜在位

者皆四拜執禮曰徹籩豆諸大祝進徹籩豆

徹者籩豆各一少殺於故處登歌作雍安之樂徹訖樂止

軒架作順安之樂執禮曰四拜禮儀使啓請

四拜殿下四拜在位者皆四拜樂一成止禮

儀使跪啓禮畢導殿下還大次出門禮儀使

啓請釋圭近侍跪受圭織扇侍衛如常儀殿

下入大次釋冕服執禮曰望塵奉禮引亞獻

官詣望瘞位北向立執禮帥贊者詣望瘞位
東向立諸大祝取黍稷飯藉用白茅束之以
篚取祝版及幣各由其陞降壇置於坎執禮
曰可瘞寘土半坎壇司監視奉禮引亞獻官
謁者贊引各引諸祭官出執禮帥贊者還本
位引儀分引陪祭官以次出贊引引監察及
諸執事俱復懸南拜位立定執禮曰四拜監
察以下皆四拜訖贊引以次引出典樂帥工
人二舞出執禮帥贊者謁者贊引就懸南拜
位四拜而出典祀官壇司各帥其屬截紳位

版徹禮饌以降乃退○車駕還宮見序○還

宮後稱賀如儀見嘉禮

春秋又臘祭社稷攝事儀

時日見序○齊戒見序○陳設 前祭二日

壇司帥其屬掃除壇之內外與設司設饌幔於西門之外前一日典樂帥其屬設登歌之樂於壇北軒架於北門內俱南向與祀官壇司各帥其屬設國社國稷神座各於壇上南方北向后土氏神座於國社神座之左后稷氏神座於國稷神座之左俱東向席皆以莞

執禮設初獻官位於北門內道西南向飲福
位於國稷壇上神座之東北南向設亞獻官
終獻官薦俎官位於西門內道北執事者位
於其後每等異位俱重行東向南上監察位
於北門內西北隅東向書吏陪其後執禮位
二一於北壇門內一於北壇門外俱近西東
向贊者謁者贊引位於壇門外執禮之後稍
北東向南上協律郎位於國社壇下近東西
向典樂位於軒懸之南南向設諸祭官門外
位於西門外道北每等異位重行南向東上

設望座位於座坎之南初獻官在南北向執

禮贊者大祝在西重行東向北上祭日未行

事前典祀官壇司各帥其屬入奠祝版各一

於神位之右各有陳幣篚各一於尊所設香

爐香合并燭於神位前次設祭器如式見序

設福酒爵有胙肉俎各一於國社國稷尊所

又設國社俎一於饌幔內設洗於北墻門外

西北南向盥洗在西壘在洗西加勺篚在洗

東北肆實以巾若爵洗之饌則諸執事盥洗

於獻官洗西北南向執尊壘篚冪者位於尊

樂備置之後○傳者祝見存○省牲器見存

○奠幣 祭日丑前五刻丑前五刻即三更三點行事用五時

與典祀官壇司入實饌具畢還就次服其服

升設國社后王氏國稷后饒氏神位版於座

贊引引監察詣國社壇升自西陞諸執事升降皆自西

陞按視壇之上下糾察不如儀者詣國稷壇

亦如之還出前三刻諸祭官各服其服執禮

帥贊者謁者贊引入自西門先就懸南拜位

重行南向東上四拜訖各就位與樂帥工入

二舞入就位文舞入陳於懸南武舞立於懸北道東謁者贊引

各引祭諸官俱就門外位前一刻贊引引監察典祀官大祝祝史齊郎壇司協律郎捧俎官入就懸南拜位重行南向東上立定執禮曰四拜贊者傳凡執禮有辭贊者皆傳唱監察以下皆四拜訖贊引引監察就位引諸執事詣盥洗位盥悅訖各就位齊郎詣爵洗位洗爵拭爵訖置於篚捧詣尊所置於牀上謁者引初獻官贊引引亞獻官終獻官薦俎官入就位謁者進初獻官之左白有司謹具請行事退復位執禮曰瘞毛血大祝各瘞毛血於坎協律

郎跪俯伏舉麾興二鼓祝軒架作順安之樂
烈文之舞作樂七成執禮曰四拜在位者皆
四拜先拜者樂八成協律郎舉麾工曼啟樂
止執禮曰行奠幣禮謁者引初獻官詣盥洗
位南向立贊搢笏初獻官盥手悅手訖贊執
笏引詣國社壇升自北陞登歌作肅安之樂
烈文之舞作詣國社神位前南向立贊搢
笏執事者一人捧香合一人捧香爐跪進謁
者贊三上香執事者奠爐于神位前大祝以
幣篚授初獻官初獻官執幣獻幣以幣授大

祝奠于神位前

凡捧香授幣皆在祔官之右
奠爐奠幣皆在祔官之左

讀奠爵
准此

謁者贊執笏俯伏興平身引詣后土

氏神位前西向立贊跪搯笏執事者一人捧
香合一人捧香爐跪進謁者贊三上香執事
者奠爐于神位前大祝以幣授初獻官初獻
官執幣獻幣以幣授大祝奠于神位前謁者
贊執笏俯伏興平身登歌止謁者引初獻官
降自北陛詣國稷壇上香奠幣並如上儀訖
引降復位○進熟初獻官既升奠幣贊引
引與祀官出帥進饌者詣厨以已升牛于鑊

實于牲匣次升羊豕各實于牲匣

每位牛羊豕各一匣

入設於饌幔內謁者引薦俎官出詣饌所捧

俎官隨之俟初獻官奠幣訖復位執禮曰進

饌謁者引薦俎官捧國社之俎捧俎官各捧

牲匣典祀官引饌入國社國稷之饌入自正

門配位之饌入自左闈俎初入門軒架作雍

安之樂國社國稷之饌升自北陛配位之饌

升自西陛諸大祝迎引於壇上薦俎官詣國

社神位前南向跪奠先薦牛次薦羊次薦豕

諸大祝助奠

奠訖啓牲匣蓋次詣后土之神位前

西向跪奠先薦牛次薦羊次薦豕

諸大祝助奠

奠

訖啓牲匣蓋薦俎官降自西陛詣國稷壇捧奠並如上儀訖樂止謁者引薦俎官以下降自西陛復位諸大祝還尊所執禮曰行初獻禮謁者引初獻官詣國杜尊所東向立登歌作壽安之樂烈文之舞作執尊者舉畢酌醴齊執事者以爵受酒謁者引初獻官升自北陛詣神位前南向立贊跪搢笏執事者以爵授初獻官初獻官執爵獻爵以爵授執事者奠于神位前謁者贊執笏俯伏興少退南向

跪樂止大祝進神位之右西向跪讀祝文訖
樂作謁者贊俯伏興平身樂止引初獻官降
自北陛詣后王氏尊所東向立樂作執尊者
舉罍酌醴齊執事者以爵受酒謁者引初獻
官升自北陛詣神位前西向立贊跪搢笏執
事者以爵授初獻官初獻官執爵獻爵以爵
授執事者奠于神位前謁者贊執笏俯伏興
少退西向跪樂止大祝進神位之右北向跪
讀祝文訖樂作謁者贊俯伏興平身樂止謁
者引初獻官降自北陛詣國稷壇升獻並如

上儀說復位文舞退武舞進軒架作舒安之
樂舞者立定樂止初初獻官既復位執禮司
行亞獻禮謁者引亞獻官詣盥洗位南向立
贊播笏亞獻官盥手悅手訖贊執笏引詣國
社尊所東向立軒架作壽安之樂昭武之舞
作執尊者舉冪酌益齊執事者以爵受酒謁
者引亞獻官升自西陛詣神位前南向立贊
跪播笏執事者以爵授亞獻官亞獻官執爵
獻爵以爵授執事者奠于神位前謁者贊執
笏俯伏興平身引亞獻官降自西陛詣后土

次尊所東向立執尊者舉爵酌盞齊執事者
以爵受酒謁者引亞獻官升自西階詣神位
前西向立贊冠擗筭執事者奠于神位
亞獻官執爵獻爵以酒進執事者奠于神位
前謁者贊執筭俯伏奠于身引亞獻官降自
西階詣國稷壇升獻並如上儀訖樂止引降
復位執禮曰行終獻禮謁者引終獻官行禮
並如亞獻儀訖引降復位執禮曰飲福受胙
大祝各詣國社國稷尊所以爵酌鬯福酒合
一爵又次進成國社國稷神位前

胙肉合置一俎謁者引初獻官升自北陛詣
飲福位南向立贊跪搢笏大祝進初獻官之
右東向以爵授初獻官初獻官受爵飲卒爵
大祝進受虛爵復於坵大祝東向以俎授初
獻官初獻官受俎以授執事者執事者受俎
降自北陛出門謁者贊執笏俯伏興平身升
降復位執禮曰四拜在位者皆四拜執禮曰
徹籩豆諸大祝進徹籩豆徹者籩豆各一
少後於故處登
歌作雍安之樂徹訖樂止軒架作順安之樂
執禮曰四拜在位者皆四拜樂一成止執禮

曰望瘞謁者引初獻官詣望瘞位北向立執
禮帥贊者詣望瘞位東向立諸大祝取黍稷
飯藉用白茅束之以篚取祝版及幣各由其
陛降壇置於坎執禮曰可瘞置土半坎壇司
監視謁者進初獻官之左白禮畢謁者贊引
各引初獻官以下以次出執禮帥贊者還本
位贊引引監察及諸執事俱復懸南拜位立
定執禮曰四拜監察以下皆四拜訖贊引以
次引出典樂帥工人二舞出執禮帥贊者謁
者贊引就懸南拜位四拜而出典祀官壇司

各帥其屬藏神位版徹禮饌以降乃退

祈告社稷儀

報祀同惟
敬福受昨

齊戒

見序

○陳設

前一日壇司帥其屬掃

除壇之內外典祀官壇司各帥其屬設國社
國稷神座各於壇上南方北向后土氏神座
於國社神座之左后稷氏神座於國稷神座
之左俱東向席皆以莞贊者設獻官位於北
門內道西南向執事者位於西門內道北每
等異位重行東向南上監察位於北門內西
北隅東向書吏陪其後贊者謁者位於北壇

門外近西東向設諸祈官門外位於西門外

道北每等異位重行南向東上設望瘞位於

瘞坎之南獻官在南北向大祝贊者在西東

向北上祈日未行事前典祀官壇司各帥其

屬入奠祝版各一於神位之右各有陳幣篚

各一於尊所設香爐香合并燭於神位前次

設祭器如式見序設洗於北壇門外西北南

向盥洗在西壘在洗西加勺篚在洗東北肆

實以巾若爵洗之篚則諸執事盥洗於獻官

洗西北南向執尊壘篚又實以爵有者位於尊壘篚

之後○行禮 祈日丑前五刻五前五刻即

事用丑典祀官壇司入實饌具畢退訖次胙

其胙外設國社后土氏國稷后稷氏神位版

於座前三刻諸祈官各胙其胙贊者謁者入

自西門先就壇北拜位南向東上四拜訖就

位謁者引諸祈官就西門外位前一刻謁者

引監察典祀官大祝祝史齊郎壇司入就壇

北拜位重行南向東上立定贊者曰四拜監

察以下皆四拜訖謁者引監察就位引諸執

事詣盥洗位盥訖各就位諸執事升降齊皆自西陛

郎詣爵洗位洗爵拭爵訖置於篚捧詣尊所
置於坫上謁者引獻官入就位謁者進獻官
之左白有司謹具請行事退復位贊者曰四
拜獻官四拜贊者曰行奠幣禮謁者引獻官
詣盥洗位南向立贊搢笏獻官盥手悅手訖
贊執笏引詣國社壇升自北陞詣國社神位
前南向立贊跪搢笏執事者一人捧香合一
人捧香爐跪進謁者贊三上香執事者奠爐
于神位前大祝以幣篚授獻官獻官執幣獻
幣以幣授大祝奠于神位前

凡捧香授幣皆在獻官之右奠

廼奠幣皆在獻官之左受爵奠爵於此 謁者贊執笏俯伏興平

身引詣后土氏神位前西向立贊跪搢笏執事者一人捧香合一人捧香爐跪進謁者贊三上香執事者奠爐于神位前大祝以幣篚授獻官獻官執幣獻幣以幣授大祝奠于神位前謁者贊執笏俯伏興平身引獻官降自北陛詣國社壇上香奠幣並如上儀訖引降復位贊者曰行酌獻禮謁者引獻官詣國社尊必東向立執尊者舉爵酌酒執事者以爵受酒喝者引獻官升自北陛詣神位前南向

立贊跪搢笏執事者以爵授獻官獻官執爵
獻爵以爵授執事者奠于神位前謁者贊執
笏俯伏興少退南向跪大祝進神位之右西
向跪讀祝文訖謁者贊俯伏興平身引獻官
降自北陞詣后土氏尊所東向立執尊者舉
爵酌酒執事者以爵受酒謁者引獻官升自
北陞詣神位前西向立贊跪搢笏執事者以
爵授獻官獻官執爵獻爵以爵授執事者奠
于神位前謁者贊執笏俯伏興少退西向跪
大祝進神位之右北向跪讀祝文訖謁者贊

俯伏興平身引獻官降自北陛詣國稷壇外
獻並如上儀訖引降復位大祝進徹籩豆進豆各殺於坎處少贊者曰四拜獻官四拜謁者引
獻官詣望瘞位北向立贊者詣望瘞位東向
立大祝以篚取祝版及幣各由其陞降壇置
於坎贊者曰可瘞置土半坎謁者進獻官之
左白禮畢遂引獻官出贊者還本位謁者引
監察丞請執事俱復壇北拜位立定贊者曰
四拜監察以下皆四拜訖謁者以次引出贊
者謁者就壇北拜位四拜而出典祀官壇司

各帥其屬藏神位版徹饌饌以降乃退

州縣春秋祭社饗儀

時日

見序

○齊戒

見序

○陳設

前祭一日

有司掃除壇之内外設諸祭官次又設饌慢

皆於西門外隨地之宜設某社

州則緡州社存郡縣準此

神座於壇上南方近東北向設某稷

州則緡州稷府

此縣

神座於壇南方近西北向席皆以莞簟

者設獻官位於北門内道西南向飲福位於

壇上北陛之東南向諸執事位於西門内道

北東向南上贊者謁者位於諸執事東北俱

東向南上設獻官以下門外位於西門外道
北每等異位重行南向東上設望瘞位於瘞
坎之南獻官在南北向祝及贊者在西東向
北上祭日未行事前掌饌者帥其屬入奠祝
版於神位之右有陳幣篚於尊所設香爐香
合并燭於神位前次設祭器如式見序設福
酒爵有胙肉俎各一於尊所設洗於壇下西
北南向盥洗在而盥在洗西加勺篚在洗東
北肆實以巾爵諸執事盥洗於獻官洗西北
南向執尊罍篚者位於尊罍篚之東○

省牲器

見左

○行禮

祭日丑前五刻

丑前五刻

三刻三刻

一

掌饌者

入賓饌

吳畢退

就次

五刻

服其服外設社稷神位版於座前三刻獻官

執諸執事各服其服贊者謁者先就壇北拜

位南向東上四拜訖就位謁者引獻官以下

俱就西門外位前一刻謁者引祝及諸執事

入就壇北拜位南向東上立定贊者曰四拜

祝以下皆四拜訖詣盥洗位盥洗訖各就位

諸執事升降皆自西階

執事者詣爵洗位洗爵拭爵訖

置於篚捧詣尊所置於姑上謁者引獻官入

就位謁者進獻官之左白有司謹具請行事
還復位贊者曰瘞毛血祝瘞毛血於坎贊者
曰四拜獻官四拜贊者曰行奠幣禮謁者引
獻官詣盥洗位南向立贊搢笏獻官盥手訖
手訖贊執笏引詣壇升自北陛詣某社神位
前南向立贊跪搢笏執事者一人捧香合一
人捧香爐跪進謁者贊三上香執事者奠爐
于神位前祝以幣授獻官獻官執幣獻幣以
幣授祝奠于神位前凡捧香授幣皆在獻官
之右奠爐奠幣皆在獻
官之左授爵
謁者贊執笏俯伏興平身引詣

奠爵惟此

謁者贊執笏俯伏興平身引詣

某稷神位前上香奠幣並如上儀訖引降復
位贊者曰行初獻禮謁者引獻官升自北陛
詣尊所東向立執尊者舉罍酌酒執事者二
人以爵受酒謁者引獻官詣某社神位前南
向立贊跪搢笏執事者以爵授獻官獻官執
爵獻爵以爵授執事者奠于神位前贊執笏
俯伏與平身引詣某稷神位前行禮並如上
儀訖引詣讀祝位在壇中南向立贊跪祝進
獻官之左西向跪讀祝文訖退者贊俯伏與
平身引降復位贊者曰行亞獻禮謁者引

官行禮並如初獻儀。但訖引降復位贊者
曰行終獻禮。謂之引獻官行禮並如亞獻儀。
訖引降復位贊者曰飲福受胙。執事者詣尊
所。以爵酌福酒。又執事者持俎進臠臠。殺神
位前胙肉。謁者引獻官升自北陛詣飲福位。
南向立。贊者揖。執事者進獻官之右。東向。
以爵授獻官。獻官受爵飲。卒爵。執事者受虛
爵。復於姑執事者東向。以俎授獻官。獻官受
俎。以授執事者。執事者受俎降自北陛出門。
謁者贊執事俯伏興。平身引降復位。贊者曰。

四拜在位者皆四拜贊者曰徹豆三祝進徹

豆

徹者通豆各一少我於故處

贊者曰四拜獻官四拜

贊者曰望瘞謁者引獻官詣望瘞位北向立

贊者詣望瘞位東向立祝以篚取祝版及幣

降自西陞置於次贊者曰可瘞置土半坎謁

者進獻官之左白禮畢遂引獻官出贊者還

本位謁者引祝及諸執事俱復壇北拜位立

迎贊者曰四拜祝以下皆四拜訖謁者以次

引出贊者謁者就壇北拜位四拜而出掌儀

者以爲獻神位版散進俎以降乃還

四時及臘享宗廟儀

時日

見序例

○齊戒

見序例

○陳設

前享三日

典設司設小次於廟之阼階東西向設侍臣
次於齊宮之後南向設王世子次於齊宮東
南西向設諸享官及宗親次於齊坊之內陪
享官次於其前随地之宜俱北向前二日廟
司帥其屬掃除廟之内外典設司設饌饌於
東門外典樂帥其屬設登歌之樂於堂上前
楹間軒架於廟庭俱北向前一日執禮設殿
下版位於阼階東南西向飲福位於前楹外

近東西向贊者設亞獻官終獻官進幣瓚爵
官薦俎官奠幣瓚爵官七祀獻官功臣獻官
位於殿下版位之後道南執事者位於其後
每等異位俱重行西向北上監察位二於廟
庭一於東南西向一於西南東向執禮位二
一於堂上前楹外一於堂下俱近東西向贊
者謁者贊引在堂下執禮之後稍南西向北
上協律郎位於堂上前楹外近西東向典樂
位於軒懸之北北向設陪享官位宗親於享
官之南昭穆異位

雖有貴者以齒

文官一品以下於

東門之內道南每等異位俱重行西向北上
武官一品以下於西門之內當文官每等異
位俱重行東向北上設門外位諸享官於東
門外道南宗親於享官之東少南文官一品
以下於宗親之東俱每等異位重行北向西
上武官一品以下於西門外道南每等異位
重行北向東上設望座位於座坎之南亞獻
官在南北向執禮贊者大祝在東重行西向
北上享日未行事前宮闈令帥其屬開室整
拂神幄鋪筵設几如常儀典祀官朝司各帥

其屬入奠祝版各一於各室神位之右各有

陳幣篚各一於各室尊所設香爐香合并燭

於神位前次設祭器如式見序每室設盥槃

各一於尊所站上設盥洗於前盤間毛血槃

肝膋醢簋籩黍稷籩各一於其後設福酒爵

有胙肉俎各一於第一室尊所又設第一室

俎一於饌幔內設七祀見序神位版於廟庭

之西稍南東向北上席皆以莞設祝版於神

位之右有設祭器如式見序設配享功臣位

版於廟庭之東西南向北上設祭器如式見序

設御洗於阼階東南北向盥洗在東爵洗壘

在洗東加勺篚在洗西南肆實以巾若爵洗之篚則

又實以棗亞終獻洗又於東南俱北向盥洗

爵洗在西亞獻洗有槃匜若頌議俱壘在洗

東加勺篚在洗西南肆實以巾若爵洗之篚

有又設上祀功臣獻官洗各於神位之南俱

北向壘在洗東加勺篚在洗西南肆實以巾

爵諸執事盥洗於亞終獻洗東南北向執尊

壘篚壘者位於尊壘篚壘之後○車駕出宮

見序○省牲器見序○晨禋享日丑前五

刻丑前五刻即三更行事用丑時一刻宮闈令帥其屬開室

整拂神幄鋪造設凡如常儀典祀官廟司入

實饌具畢贊引引監察升自阼階諸享官升降皆自阼

按視堂之上下糾察不如儀者還出前三

刻諸享官及陪享官各服其服享官祭服陪享官朝服

引儀分引陪享官俱就門外位執禮帥者

謁者贊引入自東門先就階間懸北拜位重

行北向西上四拜訖各就位典樂帥工入二

舞入就位文舞入陳於懸北武舞立於懸南道西引儀分引陪

享官入就位奉禮引亞獻官若領議政為亞獻則謁者引

謁者贊引各引諸享官俱就東門外位左通
禮就齊宮前跪啓請中嚴贊引引監察典祀
官大祝祝史齊郎廟司官闌令協律郎捧俎
官執尊罍篚罍者七祀功臣祝史齊郎執尊
罍篚罍者入就懸北拜位重行北向西上立
定執禮曰四拜贊者傳唱凡執禮有辭贊者皆傳唱監察
以下皆四拜訖贊引引監察就位引諸執事
詣盥洗位盥悅訖各就位前一刻奉禮引亞
獻官謁者贊引各引終獻官進幣瓚爵官薦
俎官奠幣瓚爵官七祀功臣獻官入就位贊

引引廟司大祝官闌令升詣第一室入開墀

室大祝官闌令捧出神主設於座詣神幄內

匱設于座先王神主大祝捧出覆以青亭巾以白亭巾

上次詣各室捧出並如上儀訖引降復位贊

引引齊郎詣爵洗位洗瓚拭瓚洗爵拭爵訖

置於篚捧詣泰階諸祝史各迎取於階上置

於尊所站上左通禮跪啟外辦殿下具冕服

以出織扇侍衛如常儀禮儀使導殿下至東

門外近侍跪進圭禮儀使跪啟請執圭綴扇侍衛

於尚瑞院官捧寶陳於小次之側禮儀使

導殿下入自正門

侍衛不應入者止於門外

詣版位西向

立

每立定禮儀使侍衛伏於左

執禮曰禮儀使啓請行事

禮儀使跪啓有司謹具請行事

伏舉麾興工鼓祝軒架作保太平之樂保大

平之舞作樂八成執禮曰四拜禮儀使啓請

四拜殿下四拜在位者皆四拜

先拜者不拜

樂九

成協律郎偃麾工戛鼓樂止近侍詣盥洗位

盥悅訖還侍位謁者引進幣瑱爵官奠幣瑱

爵官詣盥洗位盥悅訖升自阼階詣第一室

導所北向立執禮曰禮儀使導殿下行晨裸

禮禮儀使導殿下詣盥洗位北向立啓請搢

圭

如指不便近侍承奉

近侍跪取匱興沃水又近侍跪

取槃承水殿下盥手近侍跪取巾於匱以進

殿下悅手訖近侍受巾奠於篚禮儀使啓請

執圭導殿下升自阼階

近侍從升

詣第一室尊所

南向立登歌作保太平之樂保太平之舞作

執事者舉幕進幣瓚爵官酌爵鬯近侍以瓚

受爵鬯禮儀使導殿下詣神位前北向立啓

請跪搢圭殿下跪搢圭在位者皆跪

贊者亦贊近

侍一人捧香合一人捧香爐跪進禮儀使啓

請三上香近侍奠爐于案近侍以贊授進幣
贊爵官進幣贊爵官捧贊跪進禮儀使啓請
執贊裸地訖以贊授奠贊爵官奠幣贊爵
官受以授大祝近侍以幣跪授進幣贊爵官
進幣贊爵官捧幣跪進禮儀使啓請執幣獻
幣以幣授奠贊爵官奠于案凡贊爵官在東
西向奠爐受贊奠幣皆在禮儀使請執主
西東向進爵奠爵准此俯伏興平身殿下執主俯伏興平身在位者
皆俯伏興平身贊者亦唱殿下出外詣各室
上香裸地奠幣並如上儀訖登歌止進幣

爵官奠幣還爵官皆降復位禮儀使導殿下

降自阼階復位當登歌止時諸祝史各奉毛

血饗肝骨甕於前楹間俱入奠於神位前毛

槃在盥之役所諸祝史俱取肝出戶燔於爐

炭還尊○饋食殿下既升裸贊引引典

祀官出帥進饌者詣厨以已升牛于饌實于

一鼎次升羊實于一鼎次升豕實于一鼎

羊豕皆設局幕祝史對舉入設於饌幔內

者引薦俎官出詣饌所捧俎官隨之俟殿

祀官復位執禮曰進饌祝史抽局委于鼎

右除器加匕畢于鼎與祀官以匕升牛實于

牲匣次升羊豕各實于牲匣

每室牛一羊一豕各一

次引

薦俎官捧第一室俎俎官各捧牲匣典祀

官引饌入自正門俎初入門軒架作豐安之

樂諸祝史俱進徹毛血祭自阼階授齊郎以

出饌至泰階諸大祝迎引於階上薦俎官詣

第一室神位前北向跪奠先薦牛次薦羊次

薦豕

諸大祝助奠

奠訖啓牲匣蓋次詣各室捧奠

並如上儀訖樂止謁者引薦俎官以下降自

阼階復位諸大祝各取蕭黍稷孺於脂燔於

爐炭還尊所謁者引進幣瓚爵官奠幣瓚爵
官升詣第一室尊所北向立執禮曰禮儀使
導殿下行初獻禮禮儀使導殿下升自阼階
詣第一室尊所西向立登歌作保大平之樂
保大平之舞作執尊者舉罍進幣瓚爵官酌
醴齊近侍二人以爵受酒禮儀使導殿下詣
神位前北向立啓請跪搢圭殿下跪搢圭在
位者皆跪贊者近侍以爵授進幣瓚爵官進
幣瓚爵官捧爵跪進禮儀使啓請執爵獻爵
以爵授奠幣瓚爵官奠于神位前近侍以副

爵授進幣瓚爵官進幣瓚爵官捧爵跪進禮
儀使啓請執爵獻爵以爵授奠幣瓚爵官奠
于王后神位前禮儀使啓請執主俯伏與少
退北向跪樂止大祝進神位之右東向跪讀
祝文訖樂作禮儀使啓請俯伏與平身殿下
俯伏與平身在位者皆俯伏與平身贊者亦冒導
殿下出戶次詣各室酌獻並如上儀訖樂止
進幣瓚爵官奠幣瓚爵官皆降復位禮儀使
導殿下降自阼階復位禮儀使啓請入小次
導殿下將至小次啓請釋圭近侍跪受圭殿

下入小次簾降保大平之舞退定大業之舞
進初殿下將復位執禮曰行亞獻禮奉禮引
亞獻官詣盥洗位北向立贊摺圭亞獻官盥
手悅手訖贊執圭引亞獻官升自阼階詣第
一室尊所西向立軒架作定大業之樂定大
業之舞作執尊者舉罍酌盞齊執事者二人
以爵受酒奉禮引亞獻官詣神位前北向立
贊跪摺圭執事者以爵授亞獻官亞獻官執
爵獻爵以爵授執事者奠于神位前執事者
以副爵授亞獻官亞獻官執爵獻爵以爵授

執事者奠于王后神位前奉禮贊執主俯伏興
平身引出次詣各室酌獻並如上儀訖樂止
引降復位初亞獻官獻將畢執禮曰行終獻
禮謁者引終獻官行禮並如亞獻儀訖引降
復位初終獻官既升贊引引七祀獻官詣盥
洗位搢笏盥手悅手訖執笏詣尊所執尊者
舉罍酌酒執事者以爵受酒獻官詣神位前
西向跪搢笏執事者授爵獻官執爵獻爵奠
爵執笏俯伏興少遲跪祝史就獻官之左北
向跪讀祝文訖

膳則以次奠訖就司命神位
前西向跪祝史讀祝如儀

獻官俯伏興平身引復位初七祀獻官將詣
盥洗位贊引引配享功臣獻官詣盥洗位揖
笏盥手悅手訖執笏詣尊所執尊者舉罍酌
酒執事者以爵受酒獻官詣神位前東向立
搢笏執事者授爵獻官執爵奠爵以次奠訖
執笏引復位初終獻官既復位謁者引進幣
贊爵官薦俎官升自阼階詣飲福位北向立
太祝詣第一室尊所以爵酌上尊福酒又大
祝持俎進減神位前胙肉執禮曰禮儀使導
殿下詣飲福位禮儀使啓請詣飲福位簾捲

出次近侍跪進主禮儀使啓請執圭導殿下
誦飲福位西向立大祝以爵授進幣瓚爵官
進幣瓚爵官捧爵北向跪進禮儀使啓請跪
搢圭殿下跪搢圭在位者皆跪贊者殿下受
爵飲訖進幣瓚爵官受虛爵以授大祝大祝
受復於站大祝以俎授薦俎官薦俎官捧俎
北向跪進禮儀使啓請受俎殿下受俎以授
近侍近侍捧俎降自阼階出門授司饗院官
進幣瓚爵官薦俎官降復位禮儀使啓請執
圭俯伏興平身殿下執圭俯伏興平身在位者

皆俯伏與平身

贊者亦唱

禮儀使導殿下降復位

執禮曰四拜禮儀使啓請四拜殿下四拜在

位者皆四拜執禮曰徹籩豆諸大祝入徹籩

豆

徹者邊豆各一少致於故處

登歌作雍安之樂七祀功

臣祝史齊鄭各徹籩豆徹訖樂止軒架作興

安之樂執禮曰四拜禮儀使啓請四拜殿下

四拜在位者皆四拜樂一成止禮儀使啓禮

畢導殿下還齊宮出門禮儀使啓請釋圭近

侍時受圭繼扇侍衛如常儀殿下入齊宮釋

寬服執禮曰望瘞奉禮引亞獻官詣望瘞位

北向立執禮帥贊者詣望瘞位西向立諸大
祝取黍稷飯藉用白茅束之以筐取祝版及
幣降自西階置於坎執禮曰可瘞置土半坎
廟司監視奉禮引亞獻官謁者贊引各引諸
享官出執禮帥贊者還本位引儀分引陪享
官以次出贊引引監察及諸執事俱復懸北
拜位立定執禮曰四拜監察及諸執事皆四
拜訖贊引以次引出典樂帥工入二舞出廟
司大祝官闔令納裨主如常儀執禮帥贊者
謁者贊引就懸北拜位四拜而出七祀獻官

詣西門外七祀瘞坎之南北向立執事者置
祝版於次瘞訖退典祀官廟司各帥其屬徹
禮饌宮闈令闔戶以降乃退○車駕還宮

見嘉禮
○還宮後稱賀如儀

四時及臘享宗廟攝事儀

時日見序例○齋戒見序例○陳設前享二日

廟司帥其屬掃除廟之内外典設司設饌幔
於東門外前一日典樂帥其屬設登歌之樂
於堂上前楹間軒架於廟庭俱北向執禮設
初獻官位於阼階東南西向敘福位於堂上

前楹外近東西向亞獻官終獻官薦俎官七

祀獻官位於初獻官之後稍南西向

冬享則功臣獻

官在七祀

獻官之南執事者位於其後每等異位俱重

行西向北上監察位於廟庭之南近東西向

書吏陪其後執禮位二一於堂上前楹外一

於堂下俱近東西向贊者謁者贊引在堂下

執禮之後稍南西向北上協律郎位於堂上

前楹外近西東向典樂位於軒懸北北向設

諸享官門外位於東門外道南每等異位俱

重行北向西上設望座位於壝坎之南初獻

官在南北向執禮贊者大祝在東重行西向
北上享日未行事前宮闕令帥其屬開室整
拂神幄鋪筵設几如常儀典祀官廟司各帥
其屬入奠祝版各一於各室紳位之右各有
陳幣篚各一於各室尊所設香爐香合并燭
於紳位前次設祭器如式見序每室設瓊槃
各一於尊所玷上設爐炭於前楹間毛血槃
肝膏醢蕭籩黍稷籩各一於其後設福酒爵
有胙肉俎各二於第一室尊所又設第一室
俎二於饌幔內設七祀見序紳位版於廟庭

之西稍南東向北上席皆以莞設祝版於神

位之右有站設祭器如式見序例○冬享則設配享功臣位版於廟

庭之東西向北上設祭器如七祀儀無祝版設祭設洗於阼階東南北

向盥洗在東壘在洗東加勺篚在洗西南肆

實以巾若爵洗之篚則又又設七祀獻官洗

於七祀酒尊之東南北向冬享則設功臣獻官洗於功臣酒尊

之西南壘在洗東加勺篚在洗西南肆實以

巾爵諸執事盥洗於三獻官洗東南北向執

尊壘篚冪者位於尊壘篚冪之後○傳香祝

見序○省牲器見序○晨禋享日丑前五

刻

丑前五刻即三更三點行

宮闈令帥其屬開室

整拂神幄鋪筵設几如常儀典祀官廟司入

實饌具畢贊引引監察升自阼階

諸事官升降皆自阼

階

按視堂之上下糾察不如儀者還坐前三

刻諸享官各服其服執禮帥贊者謁者贊引

入自東門先就階間懸北拜位重行北向西

上四拜訖各就位典樂帥工人二舞入就位

文舞

入陳於縣北武舞立於縣南道西

謁者贊引各引諸享官

俱就門外位前一刻贊引引監察典祀官大

祝祝史齊郎廟司宮闈令協律郎捧俎官七

祀祝史齊郎

冬事則又有功臣祝史齊郎

入就懸北拜位

直行北向西上立定執禮曰四拜贊者傳唱

凡執禮有辭贊者皆傳唱

監察以下皆四拜訖贊引引監

察就位引諸執事詣盥洗位盥悅訖各就位

贊引引廟司大祝官闕令升詣第一室入開

壇室大祝官闕令捧出神主設於座

謂神像內於几

後各置設于座先王神主大祝捧出覆以白

亭巾先居神主宮闕令捧出覆以青亭巾以

上西為次詣各室捧出並如上儀訖引降復位

齊郎詣爵洗位洗瓚拭瓚洗爵拭爵訖置於

篚捧詣泰階詣祝史各迎取於階上置於尊

所站上謁者引初獻官贊引引亞獻官終獻

官薦俎官七祀獻官於享則又有入就位謁

者進初獻官之左白有司謹具請行事退復

位協律郎跪俯伏舉麾與工鼓祝軒架作保

大平之樂保大平之舞作樂八成執禮曰四

拜在位者皆四拜先拜者樂九成協律郎偃

麾曼歌樂止執禮曰行晨禋禮謁者引初獻

官詣盥洗位北向立贊摺笏初獻官盥手悅

手訖贊執笏引詣第一室尊所西向立登歌

作保大平之樂保大平之舞作執尊者舉

酌爵電執事者以瓚受爵電謁者引初獻官
詣神位前北向立贊跪擗笏執事者一人捧
香合一人捧香爐跪進謁者贊三上香執事
者奠爐子案執事者以瓚授初獻官初獻官
執瓚禋地訖以瓚授執事者大祝以幣篚授
初獻官初獻官執幣獻幣以幣授大祝奠于
案凡捧香授奠授幣皆在獻官之左受爵奠爵准此
謁者贊執笏俯伏與平身引出次詣各室上
香裸鬯奠幣並如上儀訖登歌止引降復位
當登歌止時諸祝吏各取毛血槃肝膋醑於

前楹間俱入奠於神位前

毛血槃在鉶之後肝骨竈在憲之左

諸祝史俱取肝出戶燔於爐炭還尊所○饋

食初獻官既升裸贊引引典祀官出帥進

饌者詣厨以匕升牛于鑊實于牲匣次升羊

豕各實于牲匣

每室牛羊豕各一匣

入設於饌幔內謁

者引薦俎官出詣饌所捧俎官隨之俟初獻

官裸訖復位執禮曰進饌謁者引薦俎官捧

第一室俎捧俎官各捧牲匣典祀官引饌入

自正門俎初入門軒架作豐安之樂諸祝史

俱進徹毛血槃自阼階授齊郎以出饌至春

階諸大祝迎引於階上薦俎官詣第一室神
位前北向跪奠先薦牛次薦羊次薦豕諸大祝
奠奠訖訖啓牲匣蓋次詣各室捧奠並如上儀
訖樂止謂者引薦俎官以下降自阼階復位
諸大祝各取蕭黍稷攜於脂燔於爐炭還尊
所執禮曰行初獻禮謂者引初獻官詣第一
室尊所西向立登歌作保大平之樂保大平
之舞作執尊者舉罍酌醴齊執事者二人以
爵受酒謂者引初獻官詣神位前北向立釐
跪搢笏執事者以爵授初獻官初獻官執爵

獻爵以爵授執事者奠于神位前執事者以
副爵授初獻官初獻官執爵獻爵以爵授執
事者奠于王后神位前謁者贊執笏俯伏興
少退北向跪樂止大祝進神位之右東向跪
讀祝文訖樂作謁者贊俯伏興平身引出次
詣各室酌獻並如上儀訖樂止引降復位保
大平之舞退定大業之舞進初初獻官既復
位執禮曰行亞獻禮謁者引亞獻官詣盥洗
位北向立贊搢笏盥手悅手訖贊執笏引謁
者一室尊所西向立軒架作定大業之樂定

大業之舞作執尊者舉罍酌盞齊執事者二人以爵受酒謁者引亞獻官詣神位前北向立贊跪搢笏執事者以爵授亞獻官亞獻官執爵獻爵以爵授執事者奠于神位前執事者以副爵授亞獻官亞獻官執爵獻爵以爵授執事者奠于王后神位前謁者贊執笏俯伏興平身引出次詣各室酌獻並如上儀訖樂止引降復位執禮曰行終獻禮謁者引終獻官行禮並如亞獻儀訖引降復位初終獻官既升贊引引七祀獻官詣盥洗位搢笏盥

卷一百一十一

手悅手訖執笏詣尊所執尊者舉罍酌酒執

事者以爵受酒獻官詣神位前西向跪搢笏

執事者授爵獻官執爵獻爵奠爵執笏俯伏

與少還跪祝史就獻官之左北向跪讀祝文

訖臚則以次奠訖就司命神位獻官俯伏與

平身引復位冬享則七祀獻官將詣洗位贊

稱笏與手悅手訖執笏詣尊所執尊者舉罍

酌酒執事者以爵受酒獻官詣神位前東向

立搢笏執事者授爵獻官執爵初終獻官既

復位執禮曰飲福受胙大祝詣第一室尊所
以爵酌鬯福酒又大祝持俎進成神位前昨

肉謁者引初獻官詣飲福位西向立贊跪搢
笏大祝進初獻官之左北向以爵授初獻官
初獻官受爵飲卒爵大祝進受虛爵復於坵
大祝北向以俎授初獻官初獻官受俎以授
執事者執事者受俎降自阼階出門謁者贊
執笏俯伏興平身引降復位執禮曰四拜在
位者皆四拜執禮曰徹籩豆諸大祝入徹籩
豆徹者籩豆各一
少後於故處登歌作雍安之樂七祀祝
史齊鄭各徹籩豆冬享則功臣祝史
齊鄭亦徹籩豆徹訖樂
止軒架作興安之樂執禮曰四拜在位者皆

四拜樂一成止執禮曰望瘞謁者引初獻官
詣望瘞位北向立執禮帥贊者詣望瘞位西
向立諸大祝取黍稷飯藉用白茅束之以篚
取祝版及幣降自西階置於坎執禮曰可瘞
置土半坎廟司監視謁者進初獻官之左白
禮畢謁者贊引各引初獻官以下以次出執
禮帥贊者還本位贊引引監察及諸執事俱
復懸北拜位立定執禮曰四拜監察及諸執
事皆四拜訖贊引以次引出典樂帥工入二
廟司大祝官闌令納神主如常儀執禮

帥贊者謁者贊引就懸北拜位四拜而出七
祀獻官詣西門外七祀之南北向立執
事者置祝版於寢次亦祀典祀官廟司各
帥其屬徹禮饌宮闈令闔戶以降乃退

俗節及朔望享宗廟儀

齊戒

見序例

○陳設

前享一日廟司帥其屬

掃除廟之内外贊者設獻官位於阼階東南
西向飲福位於堂上前楹外近東西向執事
者位於獻官之後稍南俱西向北上監察位
於廟庭之南近東西向書吏隨其後贊者謁

者位於堂下近東西向北上設諸享官門外
 位於東門外通南每等異位俱重行北向西
 上享日未行事前官開令帥其屬開室整拂
 神幄鋪筵設几如常儀典祀官廟司各帥其
 屬入奠祝版各一於各室神位之右各有設
 香爐香合茅燭於神位前次設祭器如式見
 設洗於阼階東南北向盥洗在東壘在洗
 東加勺篚在洗西南肆實以巾若盥洗之
 有請執事盥洗於轂官洗東南北向○行禮
 享日丑前五刻丑前五刻即三更三官開令
 點行事用丑時二刻

帥其屬開室整拂裨幄鋪筵設几如常儀
祀官廟司入實饌具畢前三刻諸享官各服
其脾贊者謁者入自東門先就階間拜位北
向西上四拜訖就位謁者引諸享官俱就門
外位前一列謁者引監察典祀官大祝祝史
齊郎廟司官闌令入就階間拜位重行北向
西上立定贊者曰四拜監察以下皆四拜訖
謁者引監察就位引諸執事詣盥洗位盥悅
訖各就位廟司大祝官闌令升自降階諸享官升
降皆自詣第一室入開塲室大祝官闌令捧

出神主設於座

詣神幄內於几後答匱設于座先王神主大祝捧出覆以

帛

以青紵巾以西為上

次詣各室捧出

並如上儀訖引降復位齊郎詣爵洗位洗爵

我爵訖置於篚捧詣泰階祝史迎取於階上

立於尊所站上謁者引獻官入就位西向立

贊者曰四拜獻官四拜謁者引獻官詣盥洗

位北向立贊搢笏獻官盥手悅手訖贊執笏

引詣第一室尊所西向立執尊者舉爵酌酒

執事者二人以爵受酒引詣神位前北向立

贊搢笏執事者一人捧爵合一人捧爵

跪進謁者贊三上香執事者奠爐于案執事者以爵授獻官獻官執爵以爵授執事者奠于神位前執事者以副爵授獻官獻官執爵獻爵以爵授執事者奠于王后神位前謁者贊執笏俯伏興少退北向跪大祝進神位之右東向跪讀祝文訖謁者贊俯伏興平身引出次詣各室上香酌獻並如上儀訖引降復位大祝詣第一室尊所以爵酌壘福酒謁者引獻官升詣飲福位西向立大祝進獻官之左北向以爵授獻官獻官跪摺笏受爵

飲卒爵大祝進受虛爵復於坫謁者贊執笏
俯伏興平身引降復位贊者曰四拜在位者
皆四拜大祝入徹籩豆徹者籩豆各一贊者
曰四拜獻官四拜謁者引獻官出謁者引監
察及諸執事俱復階間拜位立定贊者曰四
拜監察以下皆四拜訖謁者以次引出廟司
大祝宮闈令納紳主如常儀贊者謁者就階
間拜位四拜而出典祀官廟司各帥其屬徹
禮饌闔戶以降乃退大祝取祝版瘞於坎

祈告宗廟儀

報祀及先告事由後遷安
末寧殿先告事由後遷安

同唯報祀
飲福受昨

齊戒

見序

○陳設

前一日廟司帥其屬掃

除廟之內外贊者設獻官位於阼階東南西
向執事者位於獻官之後稍南俱西向北上
設監察位於執事之南西向書吏陪其後贊
者謁者位於堂下近東西向北上設諸祈官
門外位於東門外道南每等異位俱重行北
向西上設望瘞位於瘞坎之南獻官在南北
向大祝贊者在東西向北上新日未行事前
宮闈令帥其屬開室整拂神幄鋪筵設几如

常儀典祀官廟司各帥其屬入奠祝版各一

於各室神位之右各有一陳幣篚各一於各室尊

所設香爐香合并燭於神位前次設祭器如

式見序設洗於阼階東南北向盥洗在東壘

在洗東加勺篚在洗西南肆實以巾若爵洗

又實以諸執事盥洗於獻官洗東南北向執

尊壘篚罍者位於尊壘篚罍之後○行禮

祈日丑前五刻丑前五刻即三更主宮闈令

帥其屬開室整拂神幄鋪筵設几如常儀典

祀官廟司入實饌具畢前三刻詣祈官各服

其服贊者謁者入自東門先就階間拜位北
向西上四拜訖就位謁者引諸祈官俱就門
外位前一刻謁者引監察典祀官大祝祝史
齊郎廟司宮闈令入就階間拜位重行北向
西上立寔贊者曰四拜監察以下皆四拜訖
謁者引監察就位引諸執事詣盥洗位盥洗
訖各就位廟司大祝宮闈令升自阼階凡諸
升降皆詣詣第一室入開墀室捧出神主設於
座謁神帷內於几後啓匱設於座先王神主
大祝捧出覆以白綺巾先居神主宮闈令
捧出覆以青綺次詣各室捧出並如上儀訖
巾以西為上

降復位齊卽詣爵洗位洗爵拭爵訖置於篚
捧詣泰階祝史迎取於階上置於尊所站上
謁者引獻官入就位西向立謁者進獻官之
左白有司謹具請行事祔復位贊者曰四拜
獻官四拜贊者曰行奠幣禮謁者引獻官詣
盥洗位北向立贊搢笏獻官盥手悅手訖贊
執笏引詣第一室神位前北向立贊跪搢笏
執事者一人捧香合一人捧香爐跪進謁者
贊三上香執事者奠爐于案大祝以幣篚授
獻官獻官執幣獻幣以幣授大祝奠于神位

前

凡持香授幣皆在獻官之左授爵奠爵准此

謁者

贊執笏俯伏興平身引出次詣各室上香奠幣並如上儀訖引降復位贊者曰行酌獻禮謁者引獻官升詣第一室尊既西向立執尊者舉罍酌酒執事者二人以爵受酒謁者引獻官詣神位前北向立贊跪搢笏執事者以爵授獻官獻官執爵獻爵以爵授執事者奠于神位前執事者以副爵授獻官獻官執爵獻爵以爵授執事者奠于王后神位前謁者贊執笏俯伏興少退北向跪大祝進神位之

右東向跪讀祝文訖謁者贊俯伏興平身引

出次詣各室酌獻並如上儀訖引降復位大

祝入徹饗豆

像者饗豆各一少後於故處

贊者曰四拜獻

官四拜謁者引獻官詣望瘞位北向立贊者

詣望瘞位西向立大祝以篚取祝版及幣降

自西階置於坎贊者曰可瘞置土半坎謁者

進獻官之左白禮畢遂引獻官出贊者還本

位謁者引監察及諸執事俱復階間拜位立

定贊者曰四拜監察以下皆四拜訖謁者以

次引出廟司大祝官闈令納紳主如常儀贊

者謁者就階間拜位四拜而出典祀官廟司
各帥其屬徹禮饌闔戶以降乃退

薦新宗廟儀

陳設 前一日奉常寺設新物於齋厨奉常
寺正與宗廟令詣厨同眡至日設蓴豆於每
室戶外以新物實之
每室孟春薦青魚實以
豆仲春冰松魚各實以
豆仲夏大麥小
豆季春藏實以豆孟夏
筍實以豆仲夏稻黍
麥瓜各實以豆櫻桃杏
各實以蓴季夏稻黍
稷栗茄子冬瓜各實以
豆梨實以蓴仲秋柿棗
栗各實以蓴孟秋
雙魚實以豆梨實以蓴
仲秋鴈實以豆孟冬
橘柑各
實以蓴薦禽鴈鴈各實
以豆仲冬天鵝瓜
魚各實以豆季冬魚兔
各實以豆或有早晚
者隨其成熟以薦不拘
月令其應饌者宗廟

署令詣厨省饌
帥其屬臨造

設奉常寺正位於阼階東南

西向又設盥洗於阼階東南北向壘在洗東

加勺篚在洗西南肆實以巾○行禮薦新

日宗廟署令帥其屬開室掃除實新物畢奉

常寺正以常服入就位西向立四拜詣盥洗

位北向立盥手悅手訖升自阼階詣第一室

戶外北向立執事者以新物授奉常寺正奉

常寺正捧詣神位前北向跪奠俯伏興平身

出戶次詣各室捧奠並如上儀訖降復位四

拜退

祭中留儀

七祀各國時享祭之臘享猶祭其儀皆附於廟享儀雅中

雷事夏別祭
設別者於此

時日

見序

○齊戒

見序

○陳設

前祭一日

宗廟署官掃除祭所設神座於廟庭西門之內
道南東向席以莞贊者設獻官位於神位
東南北向飲福位於神位前西向執事者位
於獻官之後北向西上贊者謁者位於獻官
之西稍前西上設諸祭官門外位於東門外
道南重行北向西上祭日未行事前典祀官
帥其屬入奠祝版於神位之右設香爐香合

并燭於神位前次設祭器如式

見序例

設盥洗

及篚於酒尊東南西向實以巾爵○行禮

祭日丑前五刻

丑前五刻即三更三點行事用丑時一刻

典祀官

入實饌具畢退就次服其服入設神位版於

座前三刻諸祭官各服其服贊者謁者先入

詣神位前西向北上四拜訖就位謁者引諸

祭官就門外位前一刻謁者引典祀官大祝

齊郎入就拜位西向北上立定贊者曰四拜

典祀官以下皆四拜訖詣盥洗位盥洗訖各

就位齊郎詣爵洗位洗爵拭爵訖置於篚捧

詣尊所站上謁者引獻官入就位謁者進獻
官之左白有司謹具請行事退復位贊者曰
四拜獻官四拜謁者引獻官詣盥洗位西向
立贊搯笏獻官盥手悅手訖贊執笏引詣尊
所北向立執尊者舉罍酌酒執事者以爵受
酒引詣神位前西向立贊跪搯笏執事者一
人捧香合一人捧香爐跪進謁者贊三上香
執事者奠爐于神位前執事者以爵授獻官
獻官執爵獻爵以爵授執事者奠于神位前
俯伏興少退西向跪大祝進神位之右北向

跪讀祝文訖謁者贊俯伏興平身引復位贊者曰飲福大祝詣尊所以爵酌福酒謁者引獻官詣飲福位西向立贊跪搢笏大祝進獻官之左北向以爵授獻官獻官受爵飲卒爵大祝受虛爵復於站謁者贊執笏俯伏興平身引復位贊者曰四拜在位者皆四拜大祝進徹籩豆徹者籩豆各一少移於故處贊者曰四拜獻官四拜謁者進獻官之左白禮畢遂引獻官出謁者引典祀官以下諸執事就拜位立定贊者曰四拜典祀官以下皆四拜訖謁者引出

贊者謁者就拜位四拜而出與祀官嚴祿位
版徹禮饌乃退大祝取祝版瘞於坎

春秋享永寧殿儀

時日

見序

○齊戒

見序

○陳設

前享二日

殿司帥其屬掃除殿之内外興設司設諸享
官次於齋坊之内設饌幔於東門外隨地之
宜前一日興樂帥其屬設登歌之樂於堂上
前楹間軒架於殿庭俱北向執禮設初獻官
位於阼階東南西向飲福位於堂上前楹外
近東西向亞獻官終獻官薦俎官位於初獻

官之後稍南西向執事者位於其後每等異
位重行西向北上監察位於執事之南近東
西向書吏陪其後執禮位二一於堂上前楹
外一於堂下俱近東西向贊者謁者贊引在
堂下執禮之後稍南西向北上協律郎位於
堂上前楹外近西東向興樂位於軒懸之北
北向設諸享官門外位於東門外道南每等
異位重行北向西上設望瘞位於瘞坎之南
獻官在南北向執禮贊者大祝在東重行西
向北上享日未行事前宮闈令帥其屬開室

整拂神幄鋪筵設几如常儀典祀官殿司各

帥其屬入奠祝版各一於各室神位之右有

姑陳幣篚各一於各室尊所設香爐香合并

燭於神位前次設祭器如式見序每室設瓚

槃各一於尊所姑上設爐炭於前楹間毛血

槃肝骨甕蕭籩黍稷籩各一於其後設福酒

爵有胙肉俎各一於第一室尊所又設第一

室俎一於饌幔內設洗於阼階東南北向盥

在東爵洗在西壘在洗東加勺篚在洗西南肆實以

巾若爵洗之諸執事盥洗於獻官洗

東南北向執尊壘篚罍者位於尊壘篚罍之

後○傳香祝

見序例

○省牲器

見序例

○畏裸

享日丑前五刻

丑前五刻即三更三刻行事用丑時一刻

宮闈令

帥其屬開堂懸拂神幄鋪筵設几如常儀典

祀官殿司入實饌具畢贊引引監察升自阼

階

諸享官升降皆自阼階

按視堂之上下糾察不如儀

者還出前三刻諸享官各服其服執禮帥贊

者謁者贊引入自東門先就階間懸北拜位

重行北向西上四拜訖各就位典樂帥工人

二舞入就位

文舞入陳於懸北武舞立於懸南道西

謁者贊引

各引諸享官俱就門外位前一刻贊引引監
察典祀官大祝祝史齊郎殿司宮闈令協律
郎捧俎官入就懸北拜位重行北向西上立
定執禮曰四拜贊者傳唱凡執禮有辭贊者皆傳唱監察
以下皆四拜訖贊引引監察就位引諸執事
詣盥洗位盥悅訖各就位引殿司大祝宮闈令
升詣第一室入開墻室大祝宮闈令捧出神
主設於座詣神幃內於几後啓匱設于座先
后神主宮闈令捧出覆以白紵巾先
以青紵巾以西為上次詣各室奉出並如
上儀訖引降復位齊郎詣爵洗位洗贊拭贊

跪爵拭爵訖置於篚捧詣泰階諸祝史各迎
取於階上置於尊所拈上爵者引初獻官贊
引引亞獻官終獻官薦俎官入就位謁者進
初獻官之左白有司謹具請行事退復位協
律郎跪俯伏舉麾興工鼓祝軒架作保大平
之樂保大平之舞作樂八成執禮曰四拜在
位者皆四拜先拜者不拜樂九成協律郎偃麾曼
敬樂止執禮曰行晨綰禮謁者引初獻官詣
盥洗位北向立贊搯笏初獻官盥手悅手訖
贊執笏引詣第一室尊所西向立登歌作保

大平之樂保大平之舞作執尊者舉鼎酌爵
鬯執事者以瓚受爵鬯謁者引初獻官詣神
位前北向立贊跪搢笏執事者一人捧香合
一人捧香爐跪進謁者贊三上香執事者奠
爐于案執事者以瓚授初獻官初獻官執瓚
裸地訖以贊授執事者大祝以幣篚授初獻
官初獻官執幣獻幣以幣授大祝奠于案凡
香授瓚授幣皆在獻官之右奠受瓚
奠幣皆在獻官之左授爵奠爵在此謁者
贊執笏俯伏興平身引出次詣各室上香裸
鬯奠幣並如上儀訖登歌止引降復位當登

歌止時諸祝史各取毛血槃肝骨甑於前楹

間俱入奠於神位前毛血槃在甑之後諸祝

史取肝出戶鑪於爐炭還尊所饋食初

獻官既升裸贊引引典祀官出帥進饌者詣

廚以已升牢于鑊實于牲匣次升羊豕各實

于牲匣每室牛羊豕各一匣入設於饌幔內謁者引薦

俎官出詣饌所捧俎官隨之俟初獻官裸訖

復位執禮曰進饌謁者引薦俎官捧第一室

俎捧俎官各捧牲匣典祀官引饌入自正門

且初入門軒架作豐安之樂諸祝史俱進徹

毛血饗自阼階授齊郎以出饌至泰階諸大
祝迎引於階上薦俎官詣第一室神位前北
向跪奠先薦牛次薦羊次薦豕諸大祝助奠奠訖
啓牲匣蓋次詣各室捧奠並如上儀訖樂止
謁者引薦俎官以下降自阼階復位大祝取
蕭黍稷孺於脂燔於爐炭還尊所執禮曰行
初獻禮謁者引初獻官詣第一室尊所西向
立登歌作保大平之樂保大平之舞作執尊
者舉罍酌醴齊執事者二人以爵受酒謁者
引初獻官詣神位前北向立贊跪播笏執事

者以爵授初獻官初獻官執爵獻爵以爵授
執事者奠于神位前執事者以副爵授初獻
官初獻官執爵獻爵以爵授執事者奠于王
后神位前謁者贊執笏俯伏興以退北向跪
樂止大祝進神位之右東向跪讀祝文訖樂
作謁者贊俯伏興平身引出次詣各室酌獻
並如上儀訖樂止引降復位保大平之舞退
定大業之舞進初初獻官既復位執禮曰行
亞獻禮謁者引亞獻官詣盥洗位北向立贊
搢笏盥手悅手訖贊執笏引詣第一室尊所

西向立軒架作定大業之樂定大業之舞作
執尊者舉冪酌盞齊執事者二人以爵受酒
謁者引亞獻官詣神位前北向立贊跪搢笏
執事者以爵授亞獻官亞獻官執爵獻爵以
爵授執事者奠于神位前執事者以副爵授
亞獻官亞獻官執爵獻爵以爵授執事者奠
于王后神位前謁者贊執笏俯伏興平身引
出次詣各室酌獻並如上儀訖樂止引降復
位執禮曰行終獻禮謁者引終獻官行禮並
如亞獻儀訖引降復位執禮曰飲福受胙大

祝詣第一室尊所以爵酌豐福酒又大祝持
俎進減神位前胙肉謁者引初獻官詣飲福
位西向立贊跪搢笏大祝進初獻官之左北
向以爵授初獻官初獻官受爵飲卒爵大祝
進受虛爵復於坵大祝北向以俎授初獻官
初獻官受俎以授執事者執事者受俎降自
阼階出門謁者贊執笏俯伏興平身引降復
位執禮曰四拜在位者皆四拜執禮曰徹籩
豆徹者遵豆各一少移於故處登歌作雍安之樂徹訖
止軒架作興安之樂執禮曰四拜在位者皆

四拜樂一成止執禮曰望瘞謁者引初獻官
詣望瘞位北向立執禮帥贊者詣望瘞位西
向立諸大祝取黍稷飯籍用白茅束之以篚
取祝版及幣降自西階置於坎執禮曰可瘞
置土半坎殿司監視謁者進初獻官之左白
禮畢謁者贊引各引初獻官以下以次出執
禮帥贊者還本位贊引引監察及諸執事俱
復懸北拜位立定執禮曰四拜監察及諸執
事皆四拜訖贊引以次引出典樂帥工人二
舞出殿司大祝官闌令納神主如常儀執禮

帥贊者謁者贊引就懸北拜位四拜而出典
祀官殿司各帥其屬徹禮饌宮闈令闔戶以
降乃退

四時及俗節享文昭殿儀

時日

見序例

○齊戒

見序例

○陳設

前享二日

殿司帥其屬掃除殿之内外前一日典樂帥
其屬設樂部於殿上及殿庭俱北向典儀設
殿下版位於前殿東階東南面向設飲福位
於前楹外近東西向設亞獻官終獻官位於
殿下版位之後近南面向北上設典儀位於

堂上前楹外贊儀引儀位於堂下俱近東西
向設典樂位各於樂部之北北向設陪享官
位於外庭文官一品以下於道東宗親及武
官二品以下於道西每等異位俱重行北向
相對為首宗親每品班頭別設位大監察位
君特設位於正一品之前
二於文武班後北向設門外位諸享官於中
門外道東北向西上陪享官於大門外近南
道之東西如外庭殿司帥其屬掃除殿之內
外享日未行事前殿司開前殿龕室整拂神
幄鋪筵如常儀典祀官殿司各帥其屬入奠

祝版各一於神位之右

各有

設香爐香合并

燭於神位前次設祭器如式

見序

設福酒盞

一於太祖室尊所○出宮

行事前七刻兵

曹勒諸衛陳鹵簿半仗如常陪享官俱集朝
房前五刻諸衛各督其隊入陳於殿庭司僕
寺正進輿於閣外南向諸護衛之官及司禁
各具器服尚瑞院官捧寶俱詣閣外伺候左
通禮詣閣外俯伏跪啓請中嚴小頃又啓外
辦殿下具翼善冠袞龍袍乘輿以出繖扇侍
衛如常儀左右通禮前導就齊殿○行禮

享日丑前五刻

丑前五刻即三更二點行事用丑時一刻

殿司開

室整拂神幄典祀官殿司入實饌具畢引儀

引監察升自東階

諸執事升降皆自東階

點視陳設前

三刻諸享官及陪享官俱以時服就門外位

典樂帥工人入就位執事者各捧腰輿

大王輿忠

贊衛王后輿為侍

陳於後殿各室戶外皆南向西上

大祝宮闈令各捧神位版匱安於輿執事者

以次捧舁詣前殿各室戶外大祝捧太祖神

位版匱宮闈令捧王后神位版匱由中戶入

安於龕室南向西上殿司帥其屬捧扇蓋設

於神座前左右次捧各室

先昭一室次穆一室次昭二室次穆

二室昭位由東戶入西向穆位由西戶入東向俱北上○太祖及穆位與置於殿之西昭位與置於神位版置以次入安於龕室俯伏

興乃出典儀帥贊儀引儀入就階間拜位重

行北向西上四拜訖就位引儀分引陪享官

入就位前一刻諸享官盥悅訖盥洗設於中門外引

儀引監察典祀官大祝祝史齊郎入就階間

拜位重行北向西上立定典儀曰四拜贊儀

傳唱凡贊儀贊唱皆承典儀之辭監察以下皆四拜訖引

儀引監察及諸執事各就位奉禮引亞獻官

若領議政為臣引儀引終獻官入就位大祝

宮闈令各以次開匱捧出神位版設於座典

祀官殿司進膳訖左通禮跪啓請行禮殿下

盥悅以出贊禮導殿下入自東門侍衛不應入者止於

門外至版位西向立立定贊禮退與儀曰四拜

贊禮跪啓請四拜樂作殿庭殿下四拜在位

者皆四拜贊儀亦唱樂止典儀曰贊禮導殿下行

初獻禮贊禮導殿下升自東階詣太祖室尊

所西向立樂作殿上執尊者酌酒近侍二人

以盞受酒贊禮導殿下由中戸入詣神位前

北向立啓請跪殿下跪在位者皆跪

贊儀亦唱近

侍一人捧香合一人捧香爐跪進贊禮啓請

三上香近侍奠爐于案近侍一人捧盞跪進

贊禮啓請執盞獻盞以盞授近侍奠于神位

前又近侍以副盞跪進贊禮啓請執盞獻盞

以盞授近侍奠于王后神位前

進香進盞皆在殿下之右

奠盞奠盞皆在殿下之左贊禮啓請俯伏興少退北向跪

樂止大祝進神位之右東向跪讀祝文訖樂

作贊禮啓請俯伏興平身殿下俯伏興平身

在位者皆俯伏興平身

贊儀亦唱

樂止贊禮導殿

下出戶次詣各室

先昭一室次穆一室次昭二室次穆二室後倣此

上香酌獻並如上儀

惟昭位殿下東向大祝南向穆位殿下西向大祝

祝北

訖贊禮導殿下降自東階復位典儀曰

行亞獻禮奉禮引亞獻官升詣太祖室尊所

西向立樂作

樂殿庭

執尊者爵酒執事者二人

以盞受酒奉禮引亞獻官由中戶入詣神位

前北向立贊跪執事者以盞授亞獻官亞獻

官執盞獻盞以盞授執事者奠于神位前又

執事者以副盞授亞獻官亞獻官執盞獻盞

以盞授執事者奠于王后神位前贊俯伏興

平身樂止奉禮引亞獻官出戶次詣各室酌
獻並如上儀訖引降復位典儀曰行終獻禮
引儀引終獻官行禮並如亞獻儀訖引降復
位大祝詣太祖室尊所以盞酌福酒典儀曰
贊禮導殿下詣飲福位贊禮導殿下詣飲福
位西向立大祝以盞授近侍近侍捧盞北向
跪進贊禮啓請跪殿下跪在位者皆跪贊者亦唱
殿下受盞飲訖近侍受虛盞以授大祝大祝
受復於尊所贊禮啓請俯伏興平身殿下俯
伏興平身在位者皆俯伏興平身贊儀亦唱贊禮

導殿下降復位典儀曰四拜贊禮啓請四拜
殿下四拜在位者皆四拜贊者亦唱小頃典儀曰
四拜贊禮啓請四拜樂作殿庭樂殿下四拜在
位者皆四拜贊者亦唱樂止贊禮啓禮畢導殿下
還齋殿奉禮引亞獻官引儀引終獻官出引
儀分引陪享官以次出引儀引監察及諸執
事俱復拜位立定典儀曰四拜監察以下皆
四拜訖引儀以次引出典樂帥工人出大祝
官闌令納神位版如常典儀帥贊儀引儀就
拜位四拜而出執事者各捧腰輿置於各室

戶外大祝宮闈令各捧神位版匱安於腰輿
執事者以次捧昇詣後殿各室戶外大祝宮
闈令各捧神位版匱安於座如常儀典祀官
殿司各帥其屬徹禮饌闔戶以降乃退大祝
取祝版瘞於坎殿下還宮如來儀

四時及俗節享文昭殿攝事儀

時日

規序

○齊戒

規序

○陳設

前享二日

殿司帥其屬掃除殿之内外前一日典樂帥
其屬設樂部於殿上及殿庭俱北向贊者設
獻官位於東階東南面向設飲福位於前楹

外近東面向執事者位於獻官之後稍南重
行西向北上監察位於執事之南西向書吏
陪其後設執禮贊者謁者贊引位於東階之
西西向北上設諸享官門外位於中門外道
東每等異位重行北向西上設典樂位各於
樂部之北北向殿司帥其屬掃除殿之内外
享日未行事前殿司開前殿龕室整拂裾幄
鋪筵如常儀典祀官殿司各帥其屬入奠祝
版各一於神位之右各有設香爐香合并燭
於神位前次設祭器如式見序設福酒盞一

於太祖室尊所○行禮○享日丑前五刻丑

五刻即三更三點殿司開室整拂神幄典祀

官殿司入實饌具畢贊引引監察升自東階

諸執事升降皆自東階點視陳設前三刻諸享官各服

其服俱就門外位與樂帥工人入就位執事

者各捧腰輿

大王與忠贊衛王后與內侍

陳於後殿各室

戶外皆南向西上大祝宮闈令各捧神位版

匱安於輿執事者以次捧昇詣前殿各室戶

外大祝捧太祖神位版匱宮闈令捧王后神

位版匱由中戶入安於龕室南向西上殿司

帥其屬捧扇蓋設於神座前左右次捧各

先昭一室次穆一室次昭二室次穆二室昭位由東戶入西戶穆位由西戶入東戶俱北

上○大祖及穆位與置於殿之東神位版匱以次

入安於龕室俯伏興乃出前一刻執禮帥贊

者謁者贊引先就階間拜位北向西上四拜

訖就位諸享官盥悅訖盥洗設於中門外贊引引監

察及興祀官大祝祝史齋郎入就階間拜位

重行北向西上立定執禮曰四拜贊者傳唱

凡執禮有辭贊者皆傳唱監察以下皆四拜訖贊引引監

察及諸執事各就位大祝宮闈令各以次開

匱捧出神位版設於座謁者引獻官入就位

西向立執禮曰四拜樂作

殿庭樂

獻官皆四拜

樂止典祀官殿司進膳訖執禮曰行初獻禮

謁者引初獻官升自東階詣太祖室尊所西

向立樂作

殿上樂

執尊者酌酒執事者二人以

盞受酒謁者引初獻官入詣神位前北向立

贊跪搢笏執事者一人捧香合一人捧香爐

跪進謁者贊三上香執事者奠爐于案執事

者以盞授初獻官初獻官執盞獻盞以盞授

執事者奠于神位前又執事者以副盞授初

獻官初獻官執盞獻盞以盞授執事者奠于

王后神位前凡捧盞授盞皆在獻官之左必贊

執笏俯伏興少退北向跪樂止大祝進神位

之右東向跪讀祝文訖樂作謁者贊俯伏興

平身樂止謁者引獻官出戶次詣各室先昭一室

次穆二室後次此二室上香酌獻並如上儀惟昭

位獻官東向大祝南向向穆訖引降復位執禮

曰行亞獻禮謁者引亞獻官升詣太祖室尊

所西向立樂作殿庭執尊者酌酒執事者二

人以盞受酒謁者引亞獻官入詣神位前北

向立贊跪搢笏執事者以盞授亞獻官亞獻
官執盞獻盞以盞授執事者奠于神位前又
執事者以副盞授亞獻官亞獻官執盞獻盞
以盞授執事者奠于王后神位前謁者贊執
笏俯伏興平身樂止謁者引亞獻官出戶次
詣各室酌獻並如上儀訖引降復位執禮曰
行終獻禮謁者引終獻官行禮並如亞獻儀
訖引降復位執禮曰謁者引初獻官詣飲福
位謁者引初獻官詣飲福位西向立大祝詣
太室尊不以盞酌福酒北向跪進謁者贊

跪搢笏初獻官搢笏受盞飲訖大祝受虛盞
復於尊所謁者贊執笏俯伏興平身引降復
位執禮曰四拜在位者皆四拜小頃執禮曰
四拜樂作殿庭獻官皆四拜樂止謁者引獻
官出贊引引監察及諸執事俱復拜位立定
執禮曰四拜監察以下皆四拜訖贊引以次
引出典樂帥工人出大祝宮闈令納神位版
匱如常執禮帥贊者謁者贊引就拜位四拜
而後執事者各捧腰輿置於各室戶外大祝
宮闈令各捧神位版匱安於腰輿執事者以

次捧昇詣後殿各室戶外大祝宮闈令各捧
神位版匱安於座如常儀典祀官殿司各帥
其屬徹禮饌闔戶以降乃退大祝取祝版瘞
於坎

文昭殿忌晨儀

齊戒

見序例

○陳設

前一日殿司帥其屬掃

除殿之内外贊者設獻官位於東階東南西
向執事者位於其後稍南重行西向北上監
察位於執事之南西向書吏陪其後贊者謁
者位於東階之西西向北上設諸享官門外

位於中門外道東每等異位重行北向西上

享日未行事前殿司開前殿當祭一位龕室

整拂神幄鋪筵如常儀典祀官殿司各帥其

屬入奠祝版於神位之右有站設香爐香合并

燭於神位前次設祭器如式見方○行禮

享日丑前五刻丑前五刻即三更三刻殿司開

室整拂神幄典祀官殿司入實饌具畢前三

刻諸享官以淡服俱就門外位執事者捧腰

輿大王輿忠贊衛王后輿內侍陳於後殿戶外南向大祝

盥悅捧神位版王后匱則宮闈安於輿執

事者捧昇詣前殿戶外大祝捧神位版匱由

中戶入安於龕室南向

昭位則由東戶入西戶

東向置與於殿

殿司卽其屬捧扇蓋設於神

位前左右贊者謁者先就階間拜位北向西

上四拜訖就位前一刻諸享官盥帨訖謁者

引監察典祀官諸執事入就階間拜位重行

北向西上立定贊者曰四拜監察以下四拜

訖謁者引監察就位諸執事各就位大祝開

匱捧出神位版設於座謁者引獻官入就位

西向立贊者曰四拜獻官四拜典祀官殿司

進膳訖贊者曰行初獻禮謁者引獻官升自
東階詣尊所西向立執尊者酌酒執事者以
盞受酒謁者引獻官入詣神位前贊跪執事
者一人捧香合一人捧香爐跪進謁者贊二
上香執事者奠爐于案執事者以盞授獻官
獻官執盞獻盞以盞授執事者奠于神位前
捧香授盞在獻官之右謁者贊俯伏興少退
奠爐奠盞在獻官之左謁者贊俯
跪大祝進神位之右跪讀祝文訖謁者贊俯
伏興平身引降復位贊者曰行亞獻禮謁者
引獻官升詣尊所西向立執尊者酌酒執事

者以盞受酒謁者引獻官入詣神位前贊跪
執事者以盞授獻官獻官執盞獻盞以盞授
執事者奠于神位前謁者贊俯伏興平身引
降復位贊者曰行終獻禮謁者引獻官行禮
並如亞獻儀訖引降復位贊者曰四拜獻官
四拜謁者引獻官出謁者引監察及諸執事
俱復拜位立定贊者曰四拜監察以下皆四
拜訖謁者引出大祝納神位版匱如常贊者
謁者就拜位四拜而出執事者捧腰輿置於
戶外大祝捧神位版匱安於腰輿執事者捧

昇詣後殿戶外大祝捧神位版匱安於座如
常典祀官殿司各帥其屬徹禮饌闔戶以降
乃退大祝取祝版瘞於坎

朔望享文昭殿儀

先告事由移還安
同雅一獻無飲福

齊戒

見序

○陳設

前享

一日

殿司帥其屬

掃除殿之内外贊者設獻官位於東階東南
西向設飲福位於前楹外近東西向執事者位
於獻官之後稍南重行西向北上監察位於
執事之南西向書吏陪其後贊者謁者位於
東階之東西向北上設諸享官門外位於中

門外道東每等異位重行北向西上享日未
行事前殿司開室整拂神幄如常儀典祀官
殿司各帥其屬入奠祝版於神位之右有設
香爐香合并燭於神位前次設祭器如式序見
例設福酒盞一於太祖室尊所○行禮 享

日丑前五刻

丑前五刻即三更三刻行事用丑時一刻

殿司開室

整拂神幄典祀官殿司入實饌具畢前三刻
諸享官各服其服俱就門外位贊者謁者先
就階間拜位北向西上四拜訖就位前一刻
諸享官以下諸執事盥悅訖謁者引監察典

祀官詣執事入就階間拜位重行北向西上
立定贊者曰四拜監察以下皆四拜訖謁者
引監察就位諸執事各就位諸執事升降皆自東階大
祝官闌令各以次開匱捧出神位版設於座
謁者引獻官入就位贊者曰四拜獻官四拜
典祀官殿司進膳訖贊者曰行初獻禮謁者
引獻官升自東階詣太祖室尊所西向立執
尊者酌酒執事者二人以盞受酒謁者引獻
官入詣神位前贊跪搢笏執事者一人捧香
合一人捧香爐跪進謁者贊三上香執事者

奠爐于案執事者以盞授獻官獻官執盞獻

盞以盞授執事者奠于神位前又執事者以

副盞授獻官獻官執盞獻盞以盞授執事者

奠于王后神位前

凡捧香設盞皆在殿官之右奠盞皆在殿官之

左謁者贊執笏俯伏興少退跪大祝進神位

之右跪讀祝文訖謁者贊俯伏興平身引出

次詣各室上香酌獻並如上儀訖引降復位

贊者曰行亞獻禮謁者引獻官升詣太祖室

奠所西向立執尊者酌酒執事者二人以盞

受酒謁者引獻官不詣神位前贊跪指笏執

事者以盞授獻官獻官執盞獻盞以盞授執
事者奠于神位前又執事者以副盞授獻官
獻官執盞獻盞以盞授執事者奠于王后神
位前謁者贊執笏俯伏興平身引出次詣各
室酌獻並如上儀訖引降復位贊者曰行終
獻禮謁者引獻官行禮並如亞獻儀訖引降
復位贊者曰謁者引獻官詣飲福位謁者引
獻官詣飲福位西向立大祝詣尊所以盞酌
福酒北向跪進謁者贊跪搢笏獻官受盞飲
訖大祝受虛盞復於尊所謁者贊執笏俯伏

興平身引降復位贊者曰四拜在位者皆四拜小頃贊者曰四拜獻官四拜謁者引獻官出引監察及諸執事俱復拜位立定贊者曰四拜監察以下皆四拜訖謁者引出贊者謁者就拜位四拜而出典祀官殿司各帥其屬徹禮饌闔戶以降乃退大祝取祝版瘞於坎親享懿廟儀

齊戒

見序例

○陳設

前享二日廟司帥其屬

掃除廟之內外典設司設大次於廟大門外東南西向設諸享官次於齊坊之內陪享官

次於其前隨地之宜前一日興樂帥其屬該
鼓樂按階上北向執禮設殿下版位於東階
上西向設飲福位於前楹外之東西向設亞
獻官終獻官位於東階東南西向北上設執
禮位於東階之西西向贊者謁者贊引在南
差退後興樂位於樂部之北設陪享官位於
外庭文官一品以下於道東宗親及武官一
品以下於道西俱每等異位重行北向相對
為首宗親別設
位如常監察位二於文武後北向
設門外位請享官於中門外道東北向西上

臨寧宮於大門外近南道之東西如常廟司
帥其屬掃除廟之內外享日未行事前廟司
整拂神位典祀官廟司各帥其屬入其祝版
於神位之右中陳幣篚於尊所設香爐香合
并燭於神位前次設祭器如式觀序設饗饔
及福酒盞一於尊所○出宮其日鼓初晨
兵曹勒諸衛陳法駕鹵簿如常陪享官俱集
朝房鼓二嚴諸衛各督其隊入陳於殿庭司
候寺正進犂於勤政門外進興於恩政殿門
外俱南向諸護衛之官及司禁各具哭服為

賜院官捧寶俱詣恩政殿閣外伺候左通禮
詣閣外俯伏跪啓請中嚴鼓三嚴鐘聲止闕
內外門左通禮跪啓外辦殿下具翼善冠袞
龍袍乘輿以出繳扇侍衛如常至勤政門外
降輿乘輦仗衛導從如常駕將至懿廟諸享
官出道左南上鞠躬奉迎左右通禮前導入
大次繳扇侍衛如常○行禮 前享五刻興
祀官廟司入實饌具畢贊引引監察升自東
階點視陳設前三刻詣享官及陪享官俱以
時服就門外位典樂帥工人入就位執禮帥

贊者謁者贊引入就階間拜位重行北向

上四拜訖就位引歲分引陪享官入就位前

列諸宦官立悅訖禮外贊引引監察典祀

官大祝祝史有郎入就階間拜位重行北向

上執禮曰四拜贊者傳唱凡執禮者皆唱監察以

下皆四拜訖贊引引監察又請執事各就位謂

者引亞獻官終獻官入就位大祝開匱捧出神

主設於座覆以白紵巾設几於後典祀官廟司

正居訖左通禮詣大次前跪啓請行禮殿下盥

洗以手贊禮官各下入自東門侍請不齊入

至版位西向立

立定贊禮退
俯伏於左

執禮曰四拜贊

禮跪啓請四拜樂作殿下四拜在位者皆四

拜

贊者亦唱
先拜者不拜

樂止執禮曰贊禮導殿下行

晨裸禮贊禮導殿下升自東階詣尊所西向

立樂作執尊者舉累近侍一人酌爵鬯一人

以瓚受爵鬯贊禮導殿下詣神位前北向立

啓請跪殿下跪在位者皆跪

贊者亦唱

近侍一人

捧香合一人捧香爐跪進贊禮啓請三上香

近侍奠爐于案近侍捧瓚跪進贊禮啓請執

贊盥地訖以瓚授近侍近侍受以授大祝近

侍捧幣篚跪進贊禮啓請執幣獻幣以幣授

近侍奠于案

凡進香進贊進幣皆在東西向

蓋奠在此

贊禮啓請俯伏興平身殿下俯伏興

平身在位者皆俯伏興平身

贊者

樂止贊禮

導殿下降自東階復位執禮曰贊禮導殿下

行初獻禮贊禮導殿下升自東階詣尊所西

向立樂作近侍一人酌酒一人以盞受酒贊

禮導殿下詣神位前北向立啓請跪殿下跪

在位者皆跪

贊者亦唱

近侍捧盞跪進贊禮啓請

執盞獻盞以盞授近侍奠于神位前贊禮啓

請俯伏與少退北向跪樂止大祝進神位之
右東向跪讀祝文訖樂作贊禮啓請俯伏與
平身殿下俯伏與平身在位者皆俯伏與平
身贊者樂止贊禮導殿下降自東階復位執
禮曰行亞獻禮謁者引亞獻官升詣尊所西
向立樂作執尊者酌酒執事者以盞受酒謁
者引亞獻官詣神位前北向立贊跪執事者
以盞授亞獻官亞獻官執盞獻盞以盞授執
事者奠于神位前贊俯伏與平身樂止謁者
引亞獻官降復位執禮曰行終獻禮謁者引

終獻官行禮並如亞獻儀訖引降復位大祝
詣尊所以盞酌福酒執禮曰贊禮導殿下詣
飲福位贊禮導殿下升自東階詣飲福位西
向立大祝以盞授近侍近侍捧盞北向跪進
贊禮啓請跪殿下跪在位者皆跪贊者亦唱殿下
受盞飲訖近侍受虛盞以授大祝大祝受復
於尊所贊禮啓請俯伏興平身殿下俯伏興
平身在位者皆俯伏興平身贊者亦唱贊禮導殿
下降復位執禮曰四拜贊禮啓請四拜殿下
四拜在位者皆四拜贊者亦唱少頃執禮曰四拜

贊禮啓請四拜樂作殿下四拜在位者皆四

拜贊者亦唱樂止贊禮啓禮畢導殿下還大次謁

者引亞獻官終獻官出引儀分引陪享官以

次出贊引引監察及諸執事俱復拜位立定

執禮曰四拜監察以下皆四拜訖贊引以次

引出典樂帥工入出大祝納神主如常執禮

帥贊者謁者贊引就拜位四拜而出典祀官

廟司各帥其屬徹禮饌闔戶以降乃退大祝

取祝版及幣瘞於坎殿下還宮如來儀

四時及俗節享懿廟攝事儀

時日

見序例

○齊戒

見序例

○陳設

前享二日

廟司帥其屬掃除廟之内外前一日與樂帥其屬設鼓樂於階上北向贊者設獻官位於東階東南西向設飲福位於前楹外近東西向執事者位於獻官之後稍南重行西向北上監察位於執事之南西向書吏陪其後設執禮位於東階之西西向贊者謁者贊引在南差退設諸享官門外位於中門外道東每等異位重行北向西上設典樂位於樂部之北北向廟司帥其屬掃除廟之内外享日未

行事前廟司整拂神幄與祀官廟司各帥其

屬入奠祝版於神位之右有陳幣篚於尊所

設香爐香合并燭於神位前次設祭器如式

見序設瓚槃及福酒盞一於尊所○行禮

享日丑前五刻丑前五刻即三更三刻典祀官

廟司入實饌具畢贊引引監察升自東階諸

事陞降皆自東階點視陳設前三刻諸享官各服其

服俱就門外位典樂帥工入入就位前一刻

執禮帥贊者謁者贊引入就階間拜位北向

西上四拜訖就位諸享官盥悅訖盥院設於中門外

贊引引監察典祀官大祝祝史齊郎入就階

間拜位重行北向西上立定執禮曰四拜贊

者傳唱

凡執禮有辭贊者傳唱後倭此

監察以下皆四拜訖

贊引引監察及諸執事各就位大祝升自東

階詣神位前開匱捧出神主設於座覆以白

紵巾設几於後謁者引獻官入就位執禮曰

四拜樂作獻官四拜樂止

先拜者

典祀官廟

司進膳訖執禮曰行奠幣禮謁者引獻官升

自東階詣尊所西向立樂作執尊者舉罍酌

爵鬯執事者以瓚受爵鬯謁者引獻官入詣

神位前北向立贊跪搯笏執事者一人捧香
合一人捧香爐謁者贊三上香執事者奠爐
于案執事者以瓚授獻官獻官執瓚裸地訖
以瓚授執事者置於尊所大祝以幣篚授獻
官獻官執幣獻幣以幣篚授大祝奠于神位
前凡華香授瓚授幣皆在東西向奠爐受謁
奠奠幣皆在西東向授盞奠盞准此
者贊執笏俯伏與平身樂止引獻官出戶降
復位執禮曰行初獻禮謁者引獻官升自東
階詣尊所西向立樂作執尊者酌酒執事者
以盞受酒謁者引獻官入詣神位前北向立贊

跪搢笏執事者以盞授獻官獻官執盞獻盞
以盞授執事者奠于神位前謁者贊執笏俯
伏興少退北向跪樂止大祝進神位之右東
向跪讀祝文訖樂作謁者贊俯伏興平身樂
止謁者引獻官出戶降復位執禮曰行亞獻
禮謁者引獻官升自東階詣尊所西向立樂
作執尊者酌酒執事者以盞受酒謁者引獻
官入詣神位前北向立贊跪搢笏執事者以
盞授獻官獻官執盞獻盞以盞授執事者奠
于神位前謁者贊執笏俯伏興平身樂止謁

者引獻官出戶降復位執禮曰行終獻禮謁
者引獻官行禮並如亞獻儀訖引降復位執
禮曰謁者引獻官詣飲福位謁者引獻官詣
飲福位西向立大祝詣尊所以盞酌福酒北
向跪進謁者贊跪搯笏獻官跪搯笏受盞飲
訖大祝受盞復於尊所謁者贊執笏俯伏
興平身引降復位執禮曰四拜在位者皆四
拜少頃執禮曰四拜樂作獻官四拜樂止謁
者引獻官出贊引引監察諸執事俱復拜位
立定執禮曰四拜監察以下皆四拜贊引以

次引出大祝納神主如儀執禮帥贊者謁者
贊引就拜位四拜而出典祀官廟司各帥其
屬徹禮饌大祝捧祝幣蹙於坎

朔望享懿廟儀

忌辰及先告事由後還
安同唯無飲福先告事

由後還
安一獻

齊戒

見序

○陳設

前享一日廟司帥其屬

掃除廟之内外贊者設獻官位於東階東南

面向設飲福位於前楹外近東西向執事者

位於獻官之後稍南重行西向北上監察位

於執事之南西向書吏陪其後贊者謁者位

於東階之西西向設諸享官門外位於中

外道東每等異位重行北向西上享日未行

事前廟司整拂神幄典祀官廟司各帥其屬

入奠祝版於神位之右有設香爐香合并燭

於神位前次設祭器如式見序設福湏盞一

於尊所○行禮 享日丑前五刻丑前五刻即三更三

燕行典祀官廟司入實饌具畢前三刻

諸享官各服其服俱就門外位前一刻贊者

謁者先就階間拜位北向西上四拜訖就位

諸享官盥悅訖盥洗設於中門外謁者引監察典祀

官諸執事入就階間拜位重行北向西上立

定贊者曰四拜監察以下皆四拜訖謁者引

監察及諸執事就位

諸執事陞降皆自東階

大祝開匱

捧出神主設於座覆以白紵巾設几於後謁

者引獻官入就位贊者曰四拜獻官四拜

先拜者不典祀官廟司進膳訖贊者曰行初獻禮

謁者引獻官升詣尊所西向立執尊者酌酒

執事者以盞受酒謁者引獻官入詣神位前

贊跪搢笏執事者一人捧香合一人捧香爐

跪進謁者贊三上香執事者奠爐于案執事

者以盞授獻官獻官執盞獻盞以盞授執事

者奠于神位前

凡捧香授盞皆在獻官之右奠盞皆在獻官之左

謁者贊執笏俯伏興少退跪大祝進神位之
右跪讀祝文訖謁者贊俯伏興平身引降復
位贊者曰行亞獻禮謁者引獻官升詣尊所
西向立執尊者酌酒執事者以盞受酒謁者
引獻官入詣神位前贊跪摺笏執事者以盞
授獻官獻官執盞獻盞以盞授執事者奠于
神位前謁者贊執笏俯伏興平身引降復位
贊者曰行終獻禮謁者引獻官行禮並如亞

獻儀訖引降復位贊者曰謁者引獻官詣飲
福位謁者引獻官詣飲福位西向立大祝詣
尊所以盞酌福酒北向跪進謁者贊跪搢笏
獻官受盞飲訖大祝受虛盞復於尊所謁者
贊執笏俯伏興平身引降復位贊者曰四拜
在位者皆四拜小頃贊者曰四拜獻官四拜
謁者引獻官出謁者引監察及諸執事俱復
拜位立定贊者曰四拜監察以下皆四拜謁
者引出贊者謁者就拜位四拜而出典祀官
廟司各帥其屬徹禮饌闔戶以降乃退大祝

祭祝版盛於次

拜陵儀

將拜陵禮曹宣攝內外各供其職名陵所遙

隔

以上宿

則前二日遣大臣告宗廟如常儀○

齊戒

視亭

○陳設

前數一日陵司帥其屬

掃除陵寢內外典設司設大次於陵所近地

南向小次於陵寢之側東南西向侍臣次於

大次之前從駕宗親文武官次於其後隨地

之宜其日執禮設殿下版位於陵寢東階上近

東西向設亞獻官終獻官位於東階下近南

西向北上執事者位於殿官之後稍南西向
北上執禮位於階下神道之左西向贊者謁
者贊引在南差退監察位於執事東南西向
陪享官位於神道東西近南文東武西每等
異位俱重行北向相對為首宗親別設享日
未行事前陵司帥其屬掃除陵寢內外典祀
官陵司各帥其屬設神座於陵寢北戶內南
向奠祭文於神位之右設香爐香合并燭於
神位前次設祭器如式見序○車駕出宮
其日鼓初嚴兵曹勒諸衛陳小駕由薄於弘

禮門外如常應陪從官以時服俱集朝房

官前一日鼓二嚴諸衛各督其隊入陳於殿

庭司僕寺正進聖容於殿門外進與於思政

殿閣外俱南向諸護衛之官及司禁各具器

服尚瑞院官捧寶俱詣思政殿閣外伺候左

通禮詣閣外俯伏跪啓請中嚴鼓三嚴鐘聲

止閣內及門左通禮跪啓外辦殿下具翼善

冠袞龍袍垂與以出殿扇侍衛如常至勤政

門外降輿乘輦仗衛導從如常儀駕將至陵

所諸享官出道左南上鞠躬奉迎左右通禮

前導入大次繼肩侍衛如常儀陵所遙備

新宮○行禮 行事前五刻典祀官陵司入

賓饌具畢贊引引監祭熱飲陳設前三刻諸

宰官及陪享官俱以次升就於陵室之南左

逆禮進嘗大次前跪啓請中嚴執禮帥贊者

贊者贊引入就階間拜位重行北向西上四

拜訖就位引儀分引陪享官入就位前一刻

請享官照跪訖贊引引監察典祀官大祝祝

齊郊入就階間拜位重行北向西上五定

禮曰四拜贊者傳出執禮有司贊者以

下皆四拜訖引引監察就位諸執事各就

位謁者引亞獻官終獻官入就位左通禮跪

啓請出次殿下具懸袍乘輿以出侍衛不應入者止於

左右通禮前導至神門外降輿侍衛不應入者止於

門導殿下入小次典祀官陵司進膳訖左通

禮跪啓請行禮殿下且祝以出贊禮導殿下

升自東階詣版位西向立執禮曰四拜贊禮

啓請四拜殿下四拜在位者皆四拜贊者亦

贊者執禮曰贊禮導殿下行初祓禮贊禮導

殿下詣尊所西向立執尊者舉畢近侍一人

酌酒一人以爵受酒贊禮導殿下詣神位前

北向立啓請跪殿下跪在位者皆跪贊者亦唱近

侍一人捧香合二人捧香跪進贊禮啓請

三上香近侍奠爐子案近侍以爵跪進贊禮

啓請執爵殿下以爵授近侍奠于神位前

建爵在東西向奠壺奠爵在西東啓請俯伏

與少退北向跪大祝進神位之右東向跪讀

古文訖贊禮啓請俯伏與平身殿下俯伏與

平身在位者皆俯伏與平身贊禮

下降復位執禮曰行亞獻禮謁者引亞獻官

升詣尊所西向立執尊者舉罍酌酒執事者
以爵受酒謁者引亞獻官詣神位前北向立
贊跪執事者以爵授亞獻官亞獻官執爵獻
爵以爵授執事者奠于神位前謁者贊俯伏
興平身引降復位執禮曰行終獻禮謁者引
終獻官行禮並如亞獻儀訖引降復位執禮
曰四拜贊禮啓請四拜殿下四拜在位者皆
四拜贊者亦唱贊禮導殿下還小次謁者引亞終
獻官出引儀分引陪享官出贊引引監察及
諸執事俱復拜位立定執禮曰四拜監察以

下宮四拜訖贊引引出執禮帥贊者謁者贊
引就拜位四拜而出左通禮跪啓請出次左
右通禮導殿下還大次釋服典祀官陵司各
帥其屬徹禮饌大祝取祭文瘞於坎殿下還
宮如來儀

四時及俗節朔望享諸陵儀

先告事由
還安同

禮一

時日

見序

○齊戒

見序

○陳設

前享一日

陵司帥其屬掃除陵寢內外贊者設獻官位
於殿寢階下東南西向諸執事位於殿官之

後稍南贊者謁者位於執事之南俱西向
上監察位於執事東南西向享日未行事前
陵司帥其屬掃除陵寢內外設神座於陵寢
北戶內南向典祀官陵司各帥其屬入奠祝
版於神位之右設香爐香合并燭於神位前
次設祭器如式見序○行禮 享日丑前五
刻五前五刻即三更三刻典祀官陵司入實饌
具畢謁者引監察升自東階點視陳設朔望則否
前三刻諸享官各服其服俱就陵寢之南贊
者謁者先入階間拜位北向西上四拜訖就

位前一列請享官盥洗訖謁者引監察典祀
官大祝祝史齊郎入就階間拜位重行北向
西上立定贊者曰四拜監察以下皆四拜訖
謁者引監祭官就位諸執事各就位謁者引獻
官入就位贊者曰四拜獻官四拜典祀官殿
司進膳訖贊者曰行初獻禮謁者引獻官升
自東階詣尊所西向立執尊者舉罍酌酒執
事者以爵受酒謁者引獻官詣神位前北向
立謁者贊跪搯笏執事者一人捧香合一人
捧香爐跪進謁者贊三上香執事者奠爐于

執事者以爵授獻官獻官執爵獻爵以
授執事者奠于神位前華香授爵在東西向奠酒奠爵在西東向
贊執笏俯伏興少退北向跪大祝進神位之
右東向跪讀祝文訖謁者贊俯伏興平身引
降復位贊者曰行亞獻禮謁者引獻官詣尊
所西向立執尊者舉罍酌酒執事者以爵受
酒謁者引獻官詣神位前北向立贊跪搯笏
執事者以爵授獻官獻官執爵獻爵以爵授
執事者奠于神位前謁者贊俯伏興平身引
降復位贊者曰行終獻禮謁者引獻官行禮

並如亞獻儀訖引降復位贊者曰四拜獻官
四拜謁者引獻官出謁者引監察及諸執事
俱復拜位贊者曰四拜監察以下皆四拜訖
謁者引亞贊者謁者就拜位四拜而出典祀
中陵司各帥其屬獻禮饌大祝取祝版瘞於
坎

俗節享真殿儀

志告事由及後還安
同唯一獻無致福

時日

見序

○齊戒

見序

○陳設

前享一日

校司帥其屬掃除殿之内外贊者設獻官位
於東階東南西向執福位於堂上前祖升近

東西向執事者位於獻官之後稍南贊者
者位於東階之西俱西向北上設諸享官門
外位於南門外每等異位重行北向西上享
日未行事前殿司開室整拂神幄如常儀與
祀官殿司各帥其屬入奠祝版於神位之右
有設香爐香合并燭於神位前次設祭器如
式見序設福酒盞一於尊所○行禮 享日
丑前五刻丑前五刻即三更三刻殿司開室整
拂神幄典祀官殿司入實饌具畢前三刻諸
享官各服其服就門外位贊者謁者先就階

卷一百一十五

間拜位北向西上四拜訖就位前一刻諸享
官盥悅訖謁者引典祀官諸執事就階間拜
位連行北向西上立定贊者曰四拜典祀官
以下皆四拜訖各就位諸執事皆在東階謁者引
獻官入就位贊者曰四拜獻官四拜殿司進
膳訖贊者曰行初獻禮謁者引獻官升自東
階詣尊所西向立執尊者舉罍酌酒執事者
以盞受酒謁者引獻官詣神位前北向立謁
者贊跪搢笏執事者一人捧香合一人捧香
盥跪進謁者贊三上香執事者奠爐于案執

事者以盞授獻官獻官執盞獻盞以盞授執

事者奠于神位前

捧香授盞在東西向奠盞在西東向贊執

笏俯伏興少退北向跪大祝進神位之右東
向跪讀祝文訖謁者贊俯伏興平身引降復
位贊者曰行亞獻禮謁者引獻官升詣尊所
西向立執尊者酌酒執事者以盞受酒謁
者引獻官詣神位前北向立贊跪搢笏執事
者以盞授獻官獻官執盞獻盞以盞授執事
者奠于神位前謁者贊俯伏興平身引降復
位贊者曰行終獻禮謁者引獻官行禮並如

亞獻儀訖引降復位贊者曰謁者引獻官詣
飲福位謁者引獻官詣飲福位西向立大祝
詣尊所以盞酌福酒北向跪進謁者贊跪搢
笏獻官受盞飲訖大祝受虛盞復於尊所謁
者贊執笏俯伏興平身引降復位贊者曰四
拜在位者皆四拜少頃贊者曰四拜獻官四
拜謁者引獻官出引典祀官請執事俱復拜
位立定贊者曰四拜典祀官以下皆四拜訖
引出贊者謁者就拜位四拜而出典祀官殿
司各帥其屬徹禮饌闔戶以降乃退大祝取

祝版瘞於坎

祀風雲雷雨儀

山川城隍壇

時日

見序例

○齊戒

見序例

○陳設

前祀二日

典祀官帥其屬掃除壇之內外典設司設請祀官次又設饌幔皆於東壇門外隨地之宜前一日典樂帥其屬設登歌之樂於壇上近南軒架於壇下俱北向典祀官帥其屬設風雲雷雨山川城隍三神座於壇上北方南向席皆以莞執禮設初獻官位於壇下東南西向飲福位於壇上南陛之西北向亞獻官終

獻官位於初獻官之後稍南西向執事者位
於其後每等異位重行西向北上監察位於
執事之南西向書吏陪其後執禮位二一於
壇上一於壇下俱近東西向贊者謁者贊引
在壇下執禮之後稍南西向北上協律郎位
於壇上近西東向典樂位於軒懸之北北向
設諸祀官門外位於東壇門外道南每等異
位重行北向西上積柴於燎壇設望燎位於
燎壇之北初獻官在北南向執禮贊者大祝
在東西向北上贊者大祝日未行事前與祀

官帥其屬入奠祝版各一於神位之右各有

陳幣篚於尊所風雲雷雨幣四山川幣設香

爐香合并燭於神位前次設祭器如式見序

設福酒爵有胙肉俎各一於尊所設洗於南

陛東南北向盥洗在東壘在洗東加勺篚在

洗西南肆實以巾若爵洗之篚則諸執事盥

洗於殿官洗東南北向執尊壘篚者位於

尊壘篚之後○傳香祝見序○省牲器見

例○行禮 祀日丑前五刻丑前五刻即三更三點行事用

一丑時典祀官入實饌具畢退就次服其服外

教視壇之上下

糾察不如儀者還出前三刻諸祀官各服其

服執禮帥贊者謁者贊引入自東門先就壇

南懸北拜位重行北向西上四拜訖各就位

文武入序於懸北
武舞立於懸南道

西謁者贊引各引諸祀官俱就門外位前

刻贊引引監察典祀官大祝祝史齊郎協律

歸入就懸北拜位重行北向西上立定執權

監察以下皆

四拜訖贊引引監察就位引諸執事詣盥洗
位盥洗訖各就位引齊郎詣爵洗位洗爵拭
爵訖置於篚捧詣尊所置於站上謁者引初
獻官贊引引亞獻官終獻官入就位謁者進
初獻官之左白有司謹具請行事退復位協
律郎跪俯伏舉麾興工鼓祝軒架作元安之
樂烈文之舞作樂二成執禮曰四拜獻官皆
四拜樂三成協律郎偃麾曼歌樂止執禮曰
行奠幣禮謁者引初獻官詣盥洗位北向立
贊搯笏初獻官盥手訖贊執笏引詣壇

升自南陛登歌作肅安之樂烈文之舞作詣
風雲雷雨神位前北向立贊跪搢笏執事者
一人捧香合一人捧香爐跪進謁者贊三上
香執事者奠爐于神位前大祝以幣篚授初
獻官初獻官執幣獻幣以幣授大祝奠于神
位前凡捧香授幣皆在獻官之右奠爐奠謁
幣皆在獻官之左授爵奠爵准此
者贊執觴俯伏興平身次詣山川城隍神位
前上香奠幣並如上儀訖樂止引降復位執
禮曰行初獻禮謁者引初獻官升自南陛詣
尊所西向立登歌作肅安之樂烈文之舞作

執尊者舉爵酌醴齊執事者三人以爵受酒
謁者引初獻官詣風雲雷雨神位前北向立
贊跪擯笏執事者以爵授初獻官初獻官執
爵獻爵以爵授執事者奠于神位前贊執笏
俯伏興少退北向跪樂止大祝進神位之左
東向跪讀祝文訖樂作謁者贊俯伏興平身
樂止次詣山川城隍神位前酌獻並如上儀
訖引降復位文舞退武舞進軒架作舒安之
樂舞者立定樂止初初獻官既復位執禮曰
行亞獻禮謁者引亞獻官詣盥洗位北向立

贊搢笏亞獻官盥手悅手訖贊執笏引詣壇
外自東陞詣尊所西向立軒架作壽安之樂
昭武之舞作執尊者舉罍酌盞齊執事者三
人以爵受酒謁者引亞獻官詣風雲雷雨神
位前北向立贊跪搢笏執事者以爵授亞獻
官亞獻官執爵獻爵以爵授執事者奠于神
位前謁者贊執笏俯伏興平身次詣山川城
隍神位前酌獻並如上儀訖樂止引降復位
執禮曰行終獻禮謁者引終獻官行禮並如
亞獻儀訖引降復位執禮曰飲福受胙執事

者詣尊所以爵酌壘福酒又執事者持俎進
減風雲雷雨神位前胙肉謁者引初獻官升
自南陛詣飲福位北向立贊跪搢笏執事者
進初獻官之右西向以爵授初獻官初獻官
受爵飲卒爵執事者受虛爵復於坫執事者
西向以俎受初獻官初獻官受俎以授執事
者執事者受俎降自南陛出門謁者贊執笏
俯伏興平身引降復位執禮曰四拜在位者
皆四拜執禮曰徹籩豆大祝進徹籩豆徹者
去一少登歌作雍安之樂徹訖樂止軒架

作元安之樂執禮曰四拜獻官皆四拜樂一
成止執禮曰望燎謁者引初獻官詣望燎位
南向立執禮帥贊者詣望燎位西向立大祝
以篚取祝版及幣黍稷飯降自西陛至燎壇
置於燎柴執禮曰可燎燎半柴謁者進初獻
官之左白禮畢謁者贊引各引初獻官以下
以次出執禮帥贊者還本位贊引引監察及
諸執事俱復懸北拜位立定執禮曰四拜監
察以下皆四拜訖贊引引出工人二舞以次
出執禮帥贊者謁者贊引就懸北拜位四拜

而出典祀官帥其屬藏神位版徹禮饌以降
乃退

風雲雷雨壇祈雨儀報祀同唯
祭福受朕

齋戒見序○陳設 前一日典設司設諸祈

官次又設饌幔皆於東壇門外隨地之宜典
祀官帥其屬掃除壇之內外設風雲雷雨山
川城隍三神座於壇上北方南向席皆以莞
簟者設獻官位於壇下東南西向執事者位
於其後稍南西向北上監察位於執事之南
西向書吏陪其後贊者謁者位於壇下近東

西向北上設請祈官門外位於東門外道南

每等異位重行北向西上積柴於燎壇設望

燎位於燎壇之北獻官在北南向大祝贊者

在東西向北上祈日未行事前典祀官帥其

屬入奠祝版各一於神位之右各有陳幣篚

於尊所風雲雷雨幣四山川幣設香爐香合

茅燭於神位前次設祭器如式見序設洗於

南陛東南北向盥洗在東壘在洗東加勺篚

在洗西南肆實以巾若爵洗之能則諸執事

盥洗於獻官洗東南北向執尊壘釁者位

於尊罍籠纂之後○行禮 祈日丑前五刻

丑前五刻即三更三刻典祀官入實饌具畢退

就次服其服升設風雲雷雨山川城隍神位

版於座前三刻諸祈官各服其服贊者謁者

入自東門先就壇南拜位北向西上四拜訖

就位謁者引諸祈官俱就門外位前一刻謁

者引監察典祀官大祝祝史齊郎入就壇南

拜位重行北向西上立定贊者曰四拜監察

以下皆四拜訖謁者引監察就位引諸執事

詣盥洗位盥悅訖各就位諸執事皆自東陞齊郎

詣爵跪位洗爵拭爵訖置於篚捧詣尊所置
於姑上謁者引獻官入就位謁者進獻官之
左而省司謹具請行事退復位贊者曰四拜
獻官四拜贊者曰行奠幣禮謁者引獻官詣
盥洗位北向立贊搢笏獻官盥手訖于訖贊
執觴引詣壇升自南陛詣風雲雷雨神位前
北向立贊跪搢笏執事者一人捧香合一人
捧香爐跪進謁者贊三上香執事者奠爐于
神位前大祝以幣篚授獻官獻官執幣獻幣
訖贊授大祝奠于神位前

凡捧香者皆在
殿前奠

飲皆主獻官之左
贊爵莫爵唯此祝者贊執笏俯伏興平身

引詣山川城隍神位前上香奠幣並如上儀
訖引降復位贊者曰行酌獻禮謁者引獻官
升自南陞詣尊所西向立執尊者舉罍酌酒
執事者以爵受酒謁者引獻官詣風雲雷雨
神位前北向立贊跪搢笏執事者以爵授獻
官獻官執爵獻爵以爵授執事者奠于神位
前贊執笏俯伏興少退北向跪大祝進神位
之右東向跪讀祝文訖謁者贊俯伏興平身
引詣山川城隍神位前行禮並如上儀訖引

降復位大祝進徹籩豆

徹者籩豆各一
少後發故處

贊者

曰四拜獻官四拜贊者曰望燎謁者引獻官
詣望燎位南向立贊者詣望燎位西向立大
祝以篚取祝版及幣降自西陛至燎壇置於
燎柴贊者曰可燎燎畢柴謁者進獻官之左
白禮畢遂引獻官出贊者還本位謁者引監
察及諸執事俱復壇南拜位立定贊者曰四
拜監察以下皆四拜訖謁者引出贊者謁者
就壇南拜位四拜而出典祀官帥其屬歲紳
仁反散禮饌以降乃退

錄藏海瀆儀

時日

見序例

○齊戒

見序例

○陳設

前祭二日

有司掃除壇之內

廟同

設諸祭官次又設饌

幔皆於東門外隨地之宜前一日設神座於

壇上北方南向席皆以莞

廟則否

贊者設獻官

位於壇下

廟則東階

東南西向飲福位於壇上南

陛之西北向

廟則堂上前楹外近東西向

執事者位於獻

官之後稍南西向北上贊者謁者位於壇下

近東西向北上設獻官以下門外位於東門

外道南重行北向西上設望瘞位於瘞坎之

南獻官在南北向祝及贊者在東西向北上

祭日未行事前掌饌者帥其屬入奠祝版於

神位之右有陳幣篚於尊所設香爐香合并

燭於神位前次設祭器如式見序設福酒爵

有胙肉俎各一於尊所設洗於壇下東南北

向盥洗在東罍在洗東加勺篚在洗西南肆

實以巾若爵洗之篚則諸執事盥洗於獻官

洗東南北向執尊罍篚罍者位於尊罍篚罍

之後○省牲器見片○行禮祭日丑前五

刻丑前五刻即三更掌饌者入實饌具畢

退就次服其服升設神位版於座謁者引獻

官升自南陛

諸執事陞降皆自東陛廟則皆自東階

點視陳設

訖還出前三刻獻官及諸執事各服其服贊

者謁者入自東門先就壇南

廟則階間

拜位北向

西上四拜訖各就位謁者引獻官以下俱就

門外位前一刻謁者引祝及諸執事入就壇

南拜位重行北向西上立定贊者曰四拜祝

以下皆四拜訖詣盥洗位盥悅訖各就位執

事者詣爵洗位洗爵拭爵訖置於篚捧詣尊

所置於坫上謁者引獻官入就位謁者進獻

官之左白有司謹具請行事退復位贊者曰
四拜獻官四拜贊者曰行奠幣禮謁者引獻
官詣盥洗位北向立贊搢笏獻官盥手悅手
訖贊執笏引詣壇升自南陛詣神位前北向
立贊跪搢笏執事者一人捧香合一人捧香
爐跪進謁者贊三上香執事者奠爐于神位
前祝以幣篚授獻官獻官執幣獻幣以幣授
祝奠于神位前捧香授幣皆在獻官之右奠幣皆在獻官之左授幣
奠此謁者贊執笏俯伏興平身引降復位贊
者曰行初獻禮謁者引獻官升自南陛詣尊

所西向立執尊者舉罍酌醴齊執事者以爵
受酒謁者引獻官詣神位前北向立贊跪揖
笏執事者以爵授獻官獻官執爵獻爵以爵
授執事者奠于神位前贊執笏俯伏興少退
北向跪祝進神位之右東向跪讀祝文訖謁
者贊俯伏興平身引降復位贊者曰行亞獻
禮謁者引獻官詣尊所西向立執尊者舉罍
酌盞齊執事者以爵受酒謁者引獻官詣神
位前北向立贊跪揖笏執事者以爵授獻官
獻官執爵獻爵以爵授執事者奠于神位前

謁者贊執笏俯伏興平身引降復位贊者曰
行終獻禮謁者引獻官行禮並如亞獻儀訖
引降復位贊者曰飲福受胙執事者詣尊以
以爵酌疊福酒又執事者持俎進減神位前
胙肉謁者引獻官升自南陛詣飲福位北向
立朝則贊跪指笏執事者進獻官之右西向
西向贊跪指笏執事者進獻官之右西向
之左朝則獻官
北向以爵授獻官獻官受爵飲卒爵執
事者受虛爵復於坫執事者西向朝則
北向以俎
受獻官獻官受俎以授執事者執事者受俎
升自南陛出門謁者贊執笏俯伏興平身引

降復位贊者曰四拜在位者皆四拜贊者曰

徹籩豆祝進徹籩豆徹者通豆各一贊者曰

四拜獻官四拜贊者曰望瘞謁者引獻官詣

望瘞位北向立贊者詣望瘞位西向立祝以

筐取祝版及幣黍稷飯降自西陛置於坎置

土半坎海廣則謁者進獻官之左白禮畢遂

引獻官出贊者還本位謁者引祝及諸執事

俱復壇南拜位立定贊者曰四拜祝以下皆

四拜訖謁者以次引出贊者謁者就壇南拜

位四拜而出掌饌者帥其屬藏神位版廟則

撤禮饌以降乃退

祭三角山儀

山伯岳

時日

見序

○齊戒

見序

○陳設

前祭二日

典祀官帥其屬掃除廟之内外與設司設請

祭官次又設饌幔皆於東門外隨地之宜前

一日執禮設獻官位於東階東南西南向飲福

位於堂上前楹外近東西向執事者位於於殿

官東南西南向北上監察位於執事之南西南向

書吏陪其後執禮位於堂上前楹外贊者

位於堂下俱近東西向北上設諸祭官門

外位於東門外道南重行北向西上設望瘞
位於瘞坎之南獻官在南北向執禮贊者大
祝在東西向北上祝者大祭日未行事前典
祀官帥其屬入奠祝版各一於三角山白嶽
山神位之右各有陳幣篚各一於尊所設香
爐香合并燭於神位前次設祭器如式見序
設福酒爵有胙肉俎各一於尊所設洗於東
階東南北向盥洗在東罍在洗東加勺篚在
洗西南肆實以巾若爵洗之篚則諸執事盥
洗於獻官洗東南北向執尊罍篚罍者位於

尊卑籠纂之後

○省牲器

見序

○行禮

祭

日丑前五刻

丑前五刻即三更一刻

典祀官入

實饌具畢贊引引監察升自東階

諸祭官陞降皆自東

階按視堂之上下糾察不如儀者還出前三

刻諸祭官各服其服執禮帥贊者謁者贊引

入自東門先就階間拜位重行北向西上四

拜訖各就位謁者引諸祭官俱就門外位前

一刻贊引引監察典祀官大祝祝史齊郎入

就階間拜位重行北向西上立定執禮曰四

拜贊者傳唱

凡執禮有辭贊者皆傳唱

監察以下皆四拜

訖贊引引監察就位詣執事詣盥洗位盥洗
訖各就位引齊郎詣爵洗位洗爵拭爵訖置
於篚捧詣尊所置於坫上謁者引獻官入就
位謁者進獻官之左白有司謹具請行事退
復位執禮曰四拜獻官四拜執禮曰行奠幣
禮謁者引獻官詣盥洗位北向立贊揖笏獻
官盥手悅手訖贊執笏引獻官升詣三角山神
位前北向立贊跪搢笏執事者一人捧香合一
人捧香爐跪進謁者贊三上香執事者奠爐
于神位前大祝以幣篚授獻官獻官執幣獻

幣以幣授大祝奠于神位前

捧香授幣皆在厭官之右奠壺

奠幣皆在厭官之右奠壺左授爵奠爵准此謁者贊執笏俯伏興平身

次詣白嶽山神位前東向上香奠幣並如上

儀訖引降復位執禮曰行初獻禮謁者引獻

官升詣尊所西向立執尊者舉罍酌醴齊執

事者二人以爵受酒謁者引獻官詣三角山

神位前北向立贊跪搢笏執事者以爵授獻

官獻官執爵獻爵以爵授執事者奠于神位

前贊執笏俯伏興少退北向跪大祝進神位

之右東向跪讀祝文訖謁者贊俯伏興平身

次詣白嶽山神位前東向行禮並如上儀訖

唯大祝南向讀祝

引降復位執禮曰行亞獻禮謁者

引獻官升詣尊所西向立執尊者舉罍酌盎齊執事者二人以爵受酒謁者引獻官詣二角山神位前北向立贊跪搢笏執事者以爵授獻官獻官執爵獻爵以爵授執事者奠于神位前贊執笏俯伏興平身次詣白嶽山神位前東向行禮並如上儀訖引降復位執禮曰行終獻禮謁者引獻官行禮並如亞獻儀訖引降復位執禮曰飲福受胙執事者詣尊

所以爵酌鬯福酒又執事者持俎進減三角
山神位前胙肉謁者引獻官升詣飲福位西
向立贊跪搢笏執事者進獻官之左北向以
爵授獻官獻官受爵飲卒爵執事者受虛爵
復於坫執事者北向以俎授獻官獻官受俎
以授執事者執事者授俎降自東陞出門謁
者贊執笏俯伏興平身引降復位執禮曰四
拜在位者皆四拜執禮曰徹籩豆大祝入徹
籩豆徹者籩豆各一少殺於故處執禮曰四拜獻官四拜
執禮曰望瘞謁者引獻官詣望瘞位北向立

執禮帥贊者詣望瘞位面向立大祝以篚取
祝版及幣黍稷飯降自西階置於坎執禮曰
可瘞置土半坎典祀官監視謁者進獻官之
左白禮畢遂引獻官出執禮帥贊者還本位
贊引引監察及諸執事俱復階間拜位立定
執禮曰四拜監察以下皆四拜訖贊引引出
執禮帥贊者謁者贊引就階間拜位四拜而
出典祀官帥其屬徹禮饌闔戶以降乃退

祭漢江儀

時日

見序

○齊戒

見序

○陳設

前祭二日

典祀官帥其屬掃除壇之内外典設司設諸
祭官次又設饌幔皆於東門外隨地之宜前
一日典祀官設神座於壇上北方南向席以
莞執禮設獻官位於壇下東南西向飲福位
於南陛之西北向執事者位於獻官東南西
向北上監察位於執事之南西向書吏陪其
後執禮位於壇上贊者謁者位於壇下俱近
東西向北上設諸祭官門外位於東門外道
南重行北向西上祭日未行事前典祀官帥
其屬入奠祝版於神位之右有陳幣篚於尊

盥設香爐香合并燭於神位前次設祭器如

式

見序

設福酒爵

有

胙肉俎各一

於尊所設

洗於壇下東南北向

盥洗

在東

盥在洗東加

勺篚在洗西南肆實以巾

若爵洗之篚則

又實以爵有姑設

諸執事盥洗於獻官洗東南北向執尊罍篚

罍者位於尊罍篚罍之後

○省牲器

見序

○

行禮

祭日丑前五刻

丑前五刻即三

更三點行事用丑時一刻

典祀官入實饌具畢退就次服其服升設神

位版於座贊引引監察升自南陛

諸執事降皆自南

陛按視壇之上下糾察不如儀者還出前三

刻諸祭官各服其服執禮帥贊者謁者贊引
入自東門先就壇南拜位重行北向西上四
拜訖各就位謁者引諸祭官俱就東門外位
前一刻贊引引監察典祀官大祝祝史齊郎
入就壇南拜位重行北向西上立定執禮曰

四拜贊者傳唱

凡執禮有辭贊者皆傳唱

監察以下皆四

拜訖贊引引監察就位引諸執事詣盥洗位
盥洗訖各就位引齊郎詣爵洗位洗爵拭爵
訖置於篚捧詣尊所置於站上謁者引獻官
入就位謁者進獻官之左白有司謹具請行

事退復位執禮曰四拜獻官四拜執禮曰行奠幣禮謁者引獻官詣盥洗位北向立贊搢笏獻官盥手悅手訖贊執笏引獻官升詣神位前北向立贊跪搢笏執事者一人捧香合一人捧香爐跪進謁者贊三上香執事者奠爐于神位前大祝以幣籠授獻官獻官執幣獻幣以幣授大祝奠于神位前捧香長幣皆在獻官之右之左長爵奠爵准此謁者贊執笏俯伏與平身引降復位執禮曰行初獻禮謁者引獻官升詣尊所西向立執尊者舉罍酌醴齊執事

者一人以爵受酒謁者引獻官詣神位前北向立贊跪搯笏執事者以爵授獻官獻官執爵獻爵以爵授執事者奠于神位前贊執笏俯伏興少退北向跪大祝進神位之右東向跪讀祝文訖謁者贊俯伏興平身引降復位執禮曰行亞獻禮謁者引獻官升詣尊所西向立執尊者舉罍酌盞齊執事者一人以爵受酒謁者引獻官詣神位前北向立贊跪搯笏執事者以爵授獻官獻官執爵獻爵以爵授執事者奠于神位前贊執笏俯伏興平身

引降復位執禮曰行終獻禮謁者引獻官行
禮並如亞獻儀訖引降復位執禮曰飲福受
酢執事者詣尊所以爵酌壘福酒又執事者
持俎進減神位前胙肉謁者引獻官升詣飲
福位北向立贊跪搯笏執事者進獻官之右
西向以爵授獻官獻官受爵飲卒爵執事者
受虛爵復於坫執事者西向以俎授獻官獻
官受俎以授執事者執事者受俎降自東陛
出門謁者贊執笏俯伏興平身引降復位執
禮曰四拜在位者皆四拜執禮曰徹籩豆大

祝進徹籩豆

徹者籩豆各一少接於故處

執禮曰四拜獻

官四拜執禮曰望瘞謁者引獻官詣望瘞位

北向立執禮帥贊者詣望瘞位西向立大祝

以篚取祝版及幣黍稷飯降自西陛訖之於

水謂者進獻官之左白禮畢遂引獻官出執

禮帥贊者還本位贊引引監察及諸執事俱

復壇南拜位立定執禮曰四拜監察以下皆

四拜訖贊引引出執禮帥贊者謁者贊引就

壇南拜位四拜而出典祀官帥其屬藏神位

版徹禮饌以降乃退

祭州縣名山大川儀

時日

見序例

○齊戒

見序例

○陳設

前祭一日

有司掃除壇之內外同設諸祭官次又設饌

幔皆於東門外隨地之宜設神座於壇上北

方南向席以莞廟則否贊者設獻官位於壇下

廟則東階東南南向飲福位於壇上南陛之西北

向廟則堂上前盥執事者位於獻官之後稍

南西向北上贊者謁者位於壇下近東西向

北上設獻官以下門外位於東門外道南重

行北向西上設望瘞位於瘞坎之南獻官在

南北向祝及贊者在東西向北上祭日未行

事前掌饌者帥其屬入奠祝版於神位之右

有陳幣篚於尊所設香爐香合并燭於神位

前次設祭器如式見序設洗於壇下東南北

向盥洗在東爵洗在西壘在洗東加勺篚在洗西南肆

實以巾爵諸執事盥洗於殿官洗東南北向

執尊壘篚冪者位於尊壘篚冪之後○省牲

器見序○行禮祭日丑前五刻丑前五刻即三更二

鼎行事用掌饌者入實饌具畢退就次胾其

胾五時一刻升設神位版於座前三刻獻官及諸執事

各服其服贊者謁者入自東門先就壇南

則

階間後

拜位北向西上四拜訖各就位謁者

引獻官以下俱就門外位前一刻謁者引祝

及諸執事入就壇南拜位重行北向西上立

定贊者曰四拜祝以下皆四拜訖詣盥洗位

盥洗訖各就位

諸執事陞階皆自東階

執事者

詣爵洗位洗爵拭爵訖置於篚捧詣尊所置

於坫上謁者引獻官入就位謁者進獻官之

左白有司謹具請行事退復位贊者曰四拜

獻官四拜贊者曰行奠幣禮謁者引獻官詣

盥洗位北向立贊搢笏獻官盥手悅手訖贊
執笏引詣壇升自南陛詣神位前北向立贊
跪搢笏執事者一人拈香合一人拈香爐跪
進謁者贊三上香執事者奠爐于神位前祝
以幣篚授獻官獻官執幣獻幣以幣授祝奠
于神位前捧香授幣皆在獻官之右奠爐奠幣皆在獻官之左授爵奠爵准此
謁者贊執笏俯伏興平身引降復位贊者曰
行初獻禮謁者引獻官升自南陛詣尊酌西
向立執尊者舉爵酌酒執事者以爵受酒謁
者引獻官詣神位前北向立贊跪搢笏執事

者以爵授獻官獻官執爵獻爵以爵授執事者奠于神位前贊執笏俯伏興少退北向跪祝進神位之右東向跪讀祝文訖謁者贊俯伏興平身引降復位贊者曰行亞獻禮謁者引獻官升詣尊所西向立執尊者舉罍酌酒執事者以爵受酒謁者引獻官詣神位前北向立贊跪搢笏執事者以爵授獻官獻官執爵獻爵以爵授執事者奠于神位前謁者贊執笏俯伏興平身引降復位贊者曰行終獻禮謁者引獻官行禮並如亞獻儀訖引降復

位贊者曰飲福受胙執事者詣尊所以爵酌

福酒又執事者持俎進咸神位前胙肉謁者

引獻官升自南陛詣飲福位北立廟則贊

跪搢笏執事者進獻官之右西向廟則獻官

以爵授獻官獻官受爵飲畢爵執事者受虛

爵復於站執事者西向廟則以俎授獻官獻

官受俎以授執事者執事者受俎降自南陛

出門謁者贊執笏俯伏興平身引降復位贊

者曰四拜在位者皆四拜贊者曰撤籩豆祝

進撤籩豆籩者進豆各一贊者曰四拜獻官

四拜贊者曰望瘞謁者引獻官詣望瘞位北
向立贊者詣望瘞位西向立祝以篚取祝版
及幣降自西陛置於次置土半次川則謁者
進獻官之左白禮畢遂引獻官出贊者還本
位謁者引祝及諸執事俱復壇南拜位立定
贊者曰四拜祝以訖皆四拜訖謁者引出贊
者謁者就壇南拜位四拜而出掌饌者帥其
屬歲神位版南則徹禮饌以降乃退

祭木覓儀

時日

見序

○齊戒

見序

○陳設

前祭一日

典祀官帥其屬掃除廟之內外典設司設諸
祭官次又設饌幔皆於東門外隨地之宜執
禮設獻官位於東階東南西向飲福位於堂
上前楹外近東西向執事者位於獻官之後
稍南西向北上執禮位於堂上前楹外贊者
謁者位於堂下俱近東西向設諸祭官門外
位於東門外道南重行北向西上設望瘞位
於瘞坎之南獻官在南北向執禮贊者大祝
在東西向北上贊者大祝祭日未行事前典祀
官帥其屬入奠祝版於神位之右有陳幣篚

於尊所設香爐香合并燭於神位前次設祭

器如式

見序例

設福酒爵

有站

胙肉俎一於尊所

設洗於東階東南北向

盥洗在東爵洗在西

壘在洗東

加勺篚在洗西南肆實以巾爵諸執事盥洗

於獻官洗東南北向執尊壘篚罍者位於尊

壘篚罍之後

○省牲器

見序例

○行禮

祭日

丑前五刻

丑前五刻即三更三點行專用五時一刻

典祀官入實

饌具畢退就次服其服前三刻諸祭官各服

其服執禮帥贊者謁者先就階間拜位重行

北向西上四拜訖就位謁者引諸祭官俱就

門外位前一刻謁者引典祀官大祝祝史齊

郎入就階間拜位重行北向西上立定執禮

曰四拜贊者傳唱凡執禮者皆唱典祀官以下

皆四拜訖詣盥洗位盥洗訖各就位諸執事

自東齊郎詣爵洗位洗爵拭爵訖置於篚捧

詣尊所置於坫上謁者引獻官入就位謁者

進獻官之左白有司謹具請行事退復位執

禮曰四拜獻官四拜執禮曰行奠幣禮謁者

引獻官詣盥洗位北向立替搢笏獻官盥手

悅手訖贊執笏引獻官升自東階詣神位前

北向立贊跪搢笏執事者一人捧香合一人

捧香爐跪進謁者贊三上香執事者奠爐于

神位前大祝以幣篚授獻官獻官執幣獻幣

以幣授大祝奠于神位前

捧香授幣皆在獻官之名奠盥奠幣

皆在獻官之左授爵奠爵准此謁者贊執笏俯伏興平身引

降復位執禮曰行初獻禮謁者引獻官升詣

尊所西向立執尊者舉罍酌酒執事者以爵

受酒謁者引獻官詣神位前北向立贊跪搢

笏執事者以爵授獻官獻官執爵獻爵以爵

授執事者奠于神位前贊執笏俯伏興少退

北向跪大祝進神位之右東向跪讀祝文訖
謁者贊俯伏興平身引降復位執禮曰行亞
獻禮謁者引獻官升詣尊所西向立執尊者
舉罍酌酒執事者以爵受酒謁者引獻官詣
神位前北向立贊跪搢笏執事者以爵授獻
官獻官執爵獻爵以爵授執事者奠于神位
前謁者贊執笏俯伏興平身引降復位執禮
曰行終獻禮謁者引獻官行禮並如亞獻儀
訖引降復位執禮曰飲福受胙執事者詣尊
所以爵酌福酒又執事者持俎進獻于前

昨肉謁者引獻官升詣飲福位西向立贊
揖旁執事者進獻官之立北向以爵授獻官
獻官受爵飲卒乃執事者受虛爵復於地執
事者北向以醴授獻官獻官受醴以授執事
者執事者受醴降自東階出門謁者贊執事
俯伏興平身引降復位執禮曰四拜在位者
皆四拜執禮曰獻進豆大祝入徹籩豆徹者
於彼處執禮曰四拜獻官四拜執禮曰望
齊謁者引獻官詣望齊位北向立執禮帥贊
者詣望齊位西向立大祝以籩取祝版及幣

降自西階至於坎執禮曰可瘞置土半坎謁
者進獻官之立白禮畢遂引獻官出執禮帥
贊者還本位謁者引典祀官及諸執事俱復
階間拜位立定執禮曰四拜典祀官以下皆
四拜訖謁者引立執禮帥贊者謁者就階間
拜位四拜而出典祀官帥其屬徹禮饌闔戶
以降乃還

寺早北郊望祈穀海瀆及諸山川

禮部奏福受昨於東方嶽海瀆山川

唯飲福不受昨

○東安於一日典設司設諸祈

官次又設饌幔皆於東壇門外隨地之宜與
祀官帥其屬掃除壇之內外設嶽海瀆及諸
山川神座各於其方俱南向席皆以莞贊者
設獻官位於壇下東南西向山川獻官位稍却執事
者位於其後稍南俱西向北上監察位於執
事之南西向書吏陪其後贊者謁者贊引位
於壇下俱近東西向北上設諸祈官門外位
於東門外道南每等異位重行北向西上設
望瘞位於瘞坎之南獻官在南北向贊者大
祝在東西向北上祈日未行事前典祀官帥

其屬入奠祝版於神位之右

有站○嶽海瀆祝版五方各一

山川祝版五方各一

陳幣篚於尊所設香爐香合并燭

於神位前次設祭器如式

見序例

設洗於壇下

東南北向

盥洗在東盥洗在西

壘在洗東加勺篚在洗

西南肆實以巾爵諸執事盥洗於殿官洗東

南北向執尊壘篚罍者位於尊壘篚罍之後

○行禮

祈日丑前五刻

丑前五刻即三更三點行享用丑時

刻典祀官入實饌具畢退就次服其服升設

嶽海瀆及諸山川神位版於座前三刻諸祈

各服其服贊者謁者贊引入自東門先就

南方山川之西南重行北向西上四拜訖就
位謁者贊引各引諸祈官就門外位前一刻
贊引引監察典祀官大祝祝史齋郎入就南
方山川之西南當門重行北向西上立定贊
者曰四拜監察以下皆四拜訖贊引引監察
就位引諸執事詣盥洗位盥洗訖各就位齋
郎詣爵洗位洗爵拭爵訖置於篚捧詣尊所
置於站上謁者引獻官入就位謁者進獻官
之太自有司謹具請行事退復位贊者曰四
拜獻官四拜贊者曰行奠幣禮謁者引獻官

詣盥洗位北向立贊搢笏獻官盥手悅手訖
贊執笏升詣東嶽神位前東向立謁者贊跪
搢笏執事者一人捧香合一人捧香爐跪進
謁者贊三上香執事者奠爐于神位前大祝
以幣授獻官獻官執幣獻幣以幣授大祝奠
于神位前贊香授幣皆在獻官之右奠爐奠幣皆在獻官之左授爵奠爵准此
諸大祝各上香奠幣于嶽海瀆之位謁者贊
執笏俯伏興平身引降復位贊者曰行酌獻
禮謁者引獻官詣東嶽尊所執尊者舉爵酌
酒執事者以爵受酒謁者引獻官詣東嶽神

位前東向立贊跪搢笏執事者以爵授獻官
獻官執爵獻爵以爵授執事者奠于神立前
贊執笏俯伏興少退東向跪初獻官獻爵祝
吏以爵酌酒助奠于東海以下還尊所大祝
進神位之右南向跪讀祝文訖謁者贊俯伏
興平身引獻官以次獻諸方嶽海濱如東方
之儀訖引降復位初獻東嶽贊引引山川獻官
詣盥洗位贊搢笏獻官盥手悅手訖贊執笏
詣東方山川尊所執尊者舉罍酌酒執事者
以爵受酒贊引引獻官詣東方山川首位前

贊跪搢笏執事者以爵授獻官獻官執爵獻
爵以爵授執事者奠于神位前贊執笏俯伏
興少還東向跪初獻官獻爵齊郎酌酒助奠
訖還尊所祝史進神位之右南向跪讀祝文
訖贊引贊俯伏興平身引獻官以次獻諸方
山川如東方之儀訖引降復位贊者曰徹籩
豆諸大祝進徹籩豆徹者籩豆各一少移於故處贊者曰
四拜獻官皆四拜贊者曰望瘞謁者引獻官
詣望瘞位北向立贊者詣望瘞位西向立諸
大祝各以籠取祝版及幣置於坎贊者曰可

瘞置土半坎謁者進獻官之左白禮畢遂引
獻官出贊者還本位贊引引監察及諸執事
俱復壇南拜位立定贊者曰四拜監察以下
皆四拜訖贊引以次引出贊者謁者贊引就
壇南拜位四拜而出典祀官歲神位版徹禮
饌以降乃退

時早就行嶽海瀆及諸山川儀

得雨報祀同唯

飲福受胙

齊戒

見序例

○陳設

有司掃除壇之内外同廟

設諸祈官次又設饌幔皆於東門外隨地之

宜設神座於壇上近北南向席以莞廟則否贊

者設獻官位於壇下廟則東階東南南向執事者

位於其後稍南南向贊者謁者位於壇下俱

近東西向北上設獻官以下門外位於東門

外道南重行北向西上設望瘞位於瘞坎之

南海瀆川無瘞坎獻官在南北向贊者大祝在東西

向北上祈日未行事前掌饌者帥其屬入奠

祝版於神位之右北有陳幣篚於尊所設香爐

香各并燭於神位前次設祭器如式見序設

洗於壇下東南北向盥洗在東爵洗在西罍在洗東加

勺篚在洗西南肆實以巾爵諸執事盥洗於

獻官洗東南北向執尊罍篚者位於尊罍

篚畢之後○行禮 祈日丑前五刻丑前五刻即三

更三點行事用丑時一刻掌饌者入實饌具畢退就次服

其服升設紳位版於座座則前三刻獻官及

諸執事各服其服贊者謁者入自東門先就

壇南朝則拜位北向西上四拜訖就位謁者

引獻官以下俱就門外位前一刻謁者引祝

及諸執事入就壇南拜位北向西上立定贊

者曰四拜祝以下皆四拜訖詣盥洗位盥睅

訖各就位

諸執事陞降皆自東陞南則東階

執事者詣爵洗

位洗爵拭爵訖置於篚捧詣尊所置於玷上

謁者引獻官入就位謁者進獻官之左白有

司謹具請行事退復位贊者曰四拜獻官四

拜贊者曰行奠幣禮謁者引獻官詣盥洗位

北向立贊播笏獻官盥手悅手訖贊執笏升

自南陞詣神位前北向立贊跪播笏執事者

一人捧香合一人捧香爐跪進謁者贊三上

香執事者奠爐于神位前祝以幣篚授獻官

授官執幣獻幣以幣授祝奠于神位前

捧手授幣

皆在獻官之右英靈與幣皆皆獻官之左授爵與爵准此謁者贊執笏俯

伏與平身引降復位贊者曰行酌獻禮謁者

引獻官升自南陛詣尊所西向立執尊者舉

罍酌酒執事者以爵受酒謁者引獻官詣神

位前北向立贊跪搢笏執事者以爵授獻官

獻官執爵獻爵以爵授執事者奠于神位前

贊執笏俯伏與少退北向跪祝進神位之右

東向跪讀祝文訖謁者贊俯伏與平身引降

復位贊者曰徹籩豆徹者邊豆祝進徹籩豆各一少多

於故贊者曰四拜獻官四拜贊者曰望瘞謁

者引獻官詣望瘞位北向立贊者詣望瘞位
西向立祝以篚取祝版及幣降自西陛置於
坎贊者曰可瘞置土半坎海瀆則謁者進獻
官之左白禮畢遂引獻官出贊者還本位謁
者引祝及諸執事俱復壇南拜位立定贊者
曰四拜祝以下皆四拜訖謁者引出贊者謁
者就壇南拜位四拜而出掌饌者帥其屬載
神位版徹禮饌以降乃退



